

T7903/p2955(35)

UNIVERSITY OF CHICAGO  
HARVARD-YENCHING INSTITUTE  
AT HARVARD UNIVERSITY  
DEC 5 1952

古今醫統大全卷之九十二目錄

寧集

奇病續抄

太乙散之功

胃中蟲患

蛟龍病

瘡破雀飛

人漸縮小

視物倒植

視直如曲

嘔物如舌

消食籠

孕婦腹內鍾鳴

婦人異疾

產婦腹中痒

產後腸癆

王氏異病

舌中蛇影

食挂

哈佛大學哈佛燕京  
圖書館珍藏印

土瓜異貌

鴛血留顏

玄蟲變髮

柳椹堅齒

赤莧成鱉

呪寒治瘡

堅髮不落

龍骨秘精

一身作兩人

鼻中毛長如線

皮內蠶走

灸瘡出血片如蝴蝶

渾身虱出

髮如銅絲

毛如鐵線

肉出如錐

眼前見飛鳥

眼珠垂出

飲油快意

斷指虫出

聲如波

白晷俱黑

齒皆搖動

口內肉毬

指甲倒生

瘡如猫眼

脇破腸出

氣出不散

頭面發熱有光

渾身生泡如棠梨

醉吞水蛭

小便出糞

流精不歇

面腫如蛇

腸中虫出

遍身赤肉

瘡如櫻桃

肢腫如石扣之有聲

大腸頭出

鼻中出水成蝦

足心丁凸

四肢脫節

咽喉有竅

臍中出水成虫

眉毛搖動

毫竅血出

腦生一竅

蛇瘕

龍瘕

驚瘕

雞瘕

胞破濕漏

屍厥

瘡如蛇出

瘡如人面

心漏

見物如獅子

滿壁皆蓮

乳懸

水道出線

剝骨癰

灸火出血

頭皮蛆出

痘爛生蛆

竅中有声如兒啼

應聲虫

指節斷落

耳肉有雀聲

舌出寸餘

舌脹滿口

舌出不收

婦人生虫

眼中流血

妳頭裂

人被鬼擊

身發紅點

變身紫泡

頭炊如斗

紅絲瘤

產後食茶

蛇入人竅

別有一喉

聞雷昏倒

項腫與頭相統

三陰交血出

水兒遍體痒

遍身痒入骨髓

產後一物如帕

盤腸產

玉莖長腫

育間潰竅有膿血

莖頭腫大

耳内生疔子

陰戶有物如石

新婚逆意

小水日夜百次

瘡血如滿

雞子愈勞

吐物斷酒

鷲虱入耳

木瓜愈足

聞耳出虫

自吹目塵

猫胎治噎

可久灸肉龜

視正如斜

鄒妻髮癢

諸腦柔物

巧治骨哽

膽衡

誤吞線錘

韭可墜金

古今醫統大全卷之九十三目錄

經驗秘方

神仙延壽丹

保真種子膏

透耳筒

通耳丸

一笑散

固齒延壽膏

擦牙方

烏鬚固齒延壽方

烏鬚返老丹

急喉風乳蛾塞

接骨方

接指方

刀斧傷止血定痛

雞鳴散

滋陰百補丸

婦人下寒久不生育

五淋方

秘元丹

小便不通

腰痛

養心丹

回春丸

脚上火丹

寒濕脚氣

手足皸冽春夏不愈

鐵井欄

脚轉筋

淵然真人奪命丹

天泡頑瘡

下疳瘡

汗斑

危急十證

傷寒陰陽二證

傷寒結胸

瘡疾

赤白痢

治痢九子

噤口痢

熱痢

轉筋吐瀉

攪腸沙證

癩亂吐瀉

癰疽發背

竹筒吸毒

三五八醫經卷之九十三目錄

十宣散

黃鷄丸

妳癰

水衝瘡

疔瘡

頭上瘡

口瘡

諸腫

腎風痺手又白

盤蛇丹

蛇頭指

戀眉瘡

咽喉

纏喉風

重舌

反胃

反胃九仙餅

消渴散丸

小水不通

大便不通

血淋

白濁

久患脾泄

黃腫

黃水腫酒積

便紅

泄血

痔瘡

脫肝

咳嗽

失聲

鼻衄

頭風

脾氣痛

小腸氣痛

偏墜疝氣

紫癥風

吐血咯血

骨硬

誤吞針

誤吞錢

誤吞鐵石

毒蛇傷

百虫入耳

耳中血出

耳中潤濕

耳聾久不聞

惡虫咬

誤吞馬蝗

顛狗咬

蜘蛛瘡

蜈蚣咬

黃蜂螫

蛇傷

湯火傷

刀斧傷

閃拗手足

物入目不出

耳中膿水

針鐵竹木刺入肉

冬月手足裂

足根凍

牙疼

虫積

穿掌毒

小兒五心煩熱

小兒驚風

十種丹瘤

四時瘟疫

三補丸

盜汗陰汗

疔疖

吮嘔

舌脹出口

見鬼發狂

中惡鬼氣

脫陽

打老兒丸

十子丸

人參膏

古今醫統卷之九十三目錄 七



白木膏

當歸地黃膏

蒼木膏

年久癱瘓

鶴膝風

代茶飲

四製丸

山精丸

一粒毒

蒼木丸

育生膏

琥珀散

貼痞膏

灸痞法

化痰丸

五淋白濁

止嗽

金櫻丸

五味膏

既濟方

五仁丸

痔漏

蒼六丸

頭風嘔吐

汗斑

青白散

骨哽

兜肚方

益母草

敗毒散

驅癩丹

通神丸

黃金散

桃仁法

通關散

愈風散

鶴風丸

桃溪氣寶丸

局方小七香丸

神効五食湯丸

葶藶木香散

神效紫金丸

茴香練寶丸

麒麟膏

扁竹散

驅邪散

瓜鹽煎

二黃殺鬼丹

紅鉛接命方

古今醫統大全卷之九十二

新安徐春甫編集

奇病續抄

太乙散之功

交州刺史杜燮中毒藥而死董奉以太乙散和水天燮口中須臾乃甦燮自謂初死時有一車門直入一處內燮於土窟中以土塞之俄頃聞太乙使至追杜燮遂開土窟燮得出

胃中蟲患

廣陵太守陳登患腹煩滿面赤不食使人請華陀至曰君腹中

有蟲欲成蓋腥物之所為乃與湯藥遂吐蟲三升許蟲頭皆赤  
半身猶是生膾

蛟龍病

古有患者飲食如故發則如癩面色青黃小腹脹滿如孕醫者  
診其脉與證皆異而難明其主療忽有一山叟曰聞開皇六年  
灞橋有患此病蓋因三月八日水邊食芹菜得之有識者曰此  
蛟龍病也為龍遊於芹菜之上誤食而病也遂以寒食飴每劑  
五合服之數服吐出一物雖小而似蛟龍狀有兩頭其病者依  
此治之獲

瘡破雀飛

金州防禦使崔堯封有雙李言吉左目上脰忽生一小瘡漸大  
長如鴨卵其根如弦恒偃其目不能開堯封飲之酒今大醉遂  
與割去瘡既破中有黃雀飛鳴而去

人漸縮小

世有奇疾終莫能曉昔呂縉叔以制誥知潁州忽得疾但縮小  
不能醫臨終僅如小兒古人不曾患此疾終無人識

視物倒植

元末四明呂復別號滄州翁深於醫道臨川道士蕭雲有眼中  
視物皆倒植請復治問其因曰某嘗大醉盡吐所飲酒熟睡至  
天明遂得此病復診其脉左關浮促即告之曰傷酒大吐上焦

反復致倒其膽腑故視物皆倒植不內外因法當復吐以正其  
膽遂用藜蘆灰蒂為粗末水煎使平旦頓服以吐為度吐畢視  
物如常 九靈山房集

視直如曲

昔有人家一妾視物如曲弓視界尺之直亦如曲鈞俸醫親見  
藥莫能治

嘔物如舌

鎮陽有士人嗜酒日飲數斗飲興一發則不遏一夕大醉嘔出  
一物如舌初視無痕竅至欲飲時眼偏其上嘔然而起家人沃  
之以酒立盡常日所飲之數而止遂投之猛大自出烈為十數

片士人自此惡酒不飲

消食龍

齊諧記云江夏郡安陸縣隆安中有郭坦兄弟三人大兄得天  
行病後遂大能食一日食斗米其家給五年貧罄復乞食至一  
家門前已得飯不復乞其後門其家人怒之云前門已飯了又  
從後門來討那得許多與你彼答云腹中饑甚實不知是後門  
門園有甃三畦彼就地而嚼其二須臾悶即在地大吐一物如  
籠因出地漸漸小人特飯與遂不復食將飯着所吐之物上即  
消化成水此病尋差

孕婦腹內鐘鳴

有貧士於常賣處買得藥方一冊其中有一方能治妊婦腹內如鐘鳴用鼠窠前菴土研羅為末每服二錢麝香湯調服其疾即愈

婦人異疾

一婦異疾每腹脹則腹中有聲如擊鼓遠聞於外人行過門者皆疑其家作樂腹脹消則鼓聲亦止一月一作經百醫皆莫能明其疾

產婦腹中痒

箭幹及鋏主治婦人產後腹中痒安所卧床席下勿令婦人知

產後腸痒

針線袋主治婦人產後腸中痒不可忍以袋安所卧褥下勿令人知

王氏異疾

汾州王氏得病右脇有聲如蝦蟆常欲手按之否則聲聲相接郡醫不能辯聞留陽山人趙憲請診之曰此因蘆氣入於臟腑而成與鎮礮硃砂丸吞以蝦蟆衣即車前草湯遂差

盃中蛇影

陳留何鮮元一日會飲於趙脩武宅酒至類盃忽見不叢有似小蛇嚙入口亦不覺有物但每每思而疑之日久覺心痛自思蛇入腹為患不淺後復會其宅恰繞執盃又見小蛇乃放盃細

看乃梁上挂弓一張蛇影乃弓稍之影是也遂解其疑痛即止  
食掛

眉州米思古得疾不能食聞軍腥則嘔惟用大鑊旋煮湯沃淡  
飯數食之醫莫能治史載之曰俗輩不讀內經而妄醫人之  
疾可歎可駭君之疾正在素問經中名曰食掛凡人之肺六葉  
舒張而蓋下覆於脾子母氣和則進食一或有戾則肺不能舒  
脾之為散故不嗜食遂投之一方以清氣潤肺為治服三日病  
者鼻聞肉味覺香取啖之甚美此宋人載於傳記余考之素問  
並無食掛之病或記者假托耳

土瓜異類

嶼嶼神書曰以三月中取土瓜根陰乾為末以漿浸洗面  
拭乾又以漿調土瓜根末塗面上拂旦以漿水洗之三十日  
少容百日白澤故人皆不識兄弟夫妻不能認其臉

鴛鴦留顏

嶼嶼神書曰鴛鴦血者啄木鳥血也其鳥頭有冠毛面赤如桃花  
色受以庚日取其血向西飲之色面如硃顏若童子光彩射人  
目也

玄馬變髮

三月三日取水中蝌蚪一合陰乾候桑椹黑時取汁一升漬之  
盛於瓦器內埋東壁下百日取之其色如黑以塗白髮其髮如

漆水不再白

柳樁堅牙

新柳花如樁者收之陰乾為末日以擦牙去其宜瘡臭諸風不生明目駐顏黑髮聰耳壯筋力益壽質輕身健體齒堅可咀金

右奇効

赤莧成鱉

五月五日取鱉切如棊子大與黃菜杵如泥丸如彈子大若投水中三日成鱉

呪棗治瘡

古人有呪棗法向日呪曰吾有一枚棗一心歸大道優化夷優

陰夷劈燒念七遍吹棗上與病人食之不再作

髮不退落

用桑白皮一斤火麻子三升用煮五十沸用附子一箇入藥內每日午時洗頭少頃梳髮不落

龍骨秘精

龍骨巴戟天韭子等分為末煉蜜丸梧桐子大每服三五丸空心鹽湯下固精如神

一體作兩人

一人忽覺自形作兩人並卧不別真假不語問亦無對乃離魂也法用硃砂人參茯神濃煎服真者氣爽假者即化矣

鼻中毛出長如線

一人鼻中出毫一晝夜長一二尺漸漸粗圓如繩痛不可忍摘去更生此因食猪羊血過多然也法方硃乳香飯為丸水下十粒早晚各一服病去乃止

皮肉蟹走

一人病皮膚之下有虫如蟹走作聲如兒啼筋肉為火之化法用雷丸雄黃等分為末摻猪上炙而食之即愈

灸瘡出血片如蝴蝶

一人灸火痂落灸瘡內出鮮血片如蝴蝶騰空飛去痛不可忍此是血肉為火所化用大黃芒硝等分為末水調下微利即愈

渾身虱出

一人卧忽然渾身虱出四五升許血肉俱壞舌尖舌出不止用鹽醋點湯飲十枚盃即愈

髮如銅絲

一人眼赤鼻張大喘渾身出髮髮如銅鐵絲硬乃目中執毒氣結於上焦用白礬滑石各一兩水三碗煎一碗半飲盡即效  
毛如鐵條

一白人忽變黑毛直如鐵條雖飲食不語如大醉名無血讚  
肉出如錐

一人忽然遍身肉出如錐疼痛不能飲食名血擁用赤皮葱燒



灰水淋汁洗沃內服淡豆豉湯數盞愈

眼前常見飛鳥

一人眼前常見禽蟲飛躍捉之即無乃肝膽經為疾也用酸棗仁羌活玄明粉青箱子各一兩為末每用二錢水煎和滓服日三次

眼珠垂出

一人眼珠垂下至鼻大便下血此名肝脹用羌活煎湯服數次而愈

飲油快意

一人飲油至四五升方始快意乃髮入胃血累化為蟲也用椎

黃五錢為末水調服蟲自出已成蛇形

指斷蟲出

一人患十指斷壞唯有筋連節肉蟲出如燈心長尺許有綠毛名血餘疾用茯苓胡黃連煎服愈

身如波浪聲

有患遍身皮底渾渾如波浪之聲痒不可忍抓之出血不止名氣奔疾用人參苦杖青藍細辛各一兩水一碗煎一碗飲盡愈

白眚俱黑

有患眼內白眚俱黑見物依舊毛髮直如鐵條不語如醉名血潰用五靈脂為末二錢酒調服愈

齒皆搖動

一人忽然氣上喘不能語口中涎流吐逆齒皆搖動氣出轉大  
即悶絕名傷寒并執霍亂用大黃人參各五錢水三盞煎一  
服

口內肉球

有患口內生肉球有根線長五寸餘吐球出方可飲食以手輕  
捏痛徹於心水調生射香頰頰服之數日根化而愈

指甲倒

手指甲生長倒刺入肉如錐食葵菜自愈

瘡如貓眼

一人面上及遍身生瘡似貓兒眼有光彩無膿血冬則近頸名

白寒瘡多食魚雞葱韭而愈

腸破腸出

一人腸破腸出臭穢急以香油抹腸送入再不出又以人參枸  
杞子煎湯服又淋破處自合喫猪腎羊石脂十日愈

氣出不散

一人口鼻中氣出盤旋不散疑似黑蓋過十日漸漸至肩與肉  
相連堅如鐵石無由飲食多因瘡緩得之用澤蘭葉水煎日飲

三盞五日愈

頭面發熱有光

有患頭面發熱有光色他人手近如火灸用蒜汁半兩酒調下

吐物如蛇遂安

渾身生泡如棠梨

一人遍身生泡如棠梨子破則出水內有石一片如指甲大其泡復生抽盡肌肉不可治矣急用三稜莪朮各五錢為末分三服酒調下

醉吞水蛭

有醉人夜飲水誤吞水蛭腹痛黃瘦不進飲食用小死魚三四箇猪脂煎溶攪勻入巴豆十粒研爛和田中乾泥丸如菉豆大以田中冷水吞下泄下為度

小便出糞

人患小便中出糞大便中出尿名交腸病用舊幘頭燒灰酒調下五分愈

流精不歇

有人玉莖堅而不舉精流無歇如針刺捏之肥乃為腎滿漏精用韭子破故紙各一兩為末每服三錢水煎日三次即止

面腫如蛇

有人頭面肉腫如蛇狀用濕磚上青苔一錢水調塗立消腸中蟲出

有人大腸內出蟲續續不斷行坐不得用鶴虱草為末水調服五錢自愈

遍身赤肉

有小兒初生遍身無皮俱是赤肉掘土坑卧一宿即長皮又方  
用白粳米粉乾撲於上候生皮乃止

瘡如櫻桃

有項上生瘡如櫻桃有五色瘡破頭皮斷煉逐日飲牛乳而愈  
肢腫如石擊之有聲

有人發寒熱四肢堅硬如石擊之有鐘聲聲日黃瘦用茱萸木  
香等分水煎一二服愈

腸脫

大腸下脫雖有醫方鮮得其効一人病此用芝麻油器盛坐之

自入飲火麻子汁數升愈

鼻中出水成蝦

一人鼻患腥臭流水以碗盛視之有鐵色蝦魚如米大走動捉  
之即化為水此肉壞也食雞肉一日二次月餘愈

足底長釘

有患兩足心腫破凸起如釘脛骨有碎孔流髓身發寒戰唯思  
飲酒此肝腎二氣冷熱相吞用川烏炮為末傳之內煎韭菜湯  
服之愈

四肢脫節

有四肢脫節但有皮連不能舉動名曰筋解用黃蘆酒漫一宿

三古今醫書卷之九十二  
焙乾為末酒下二錢多服自痊

喉間別竅

一人咽喉間生肉塊突起有孔竅見臭氣用臭橘葉煎服而愈

臍漏

一人腹堅如石臍中流水出不止又痛痒之甚濃煎蒼朮湯沃之又以朮末加麝調水服

眉病

一人目瞪不見唯眉毛扇動喚之不應與飲飯能食用蒜三四取汁酒調服遂愈

毫孔出血

一人毛竅節次血出少間不出即皮脹如鼓口鼻眼目俱脹之脉溢用薑汁合水各一盞服之即安

腦竅

一婦人年少腦生一竅凡咳膿血與竅相應而出此肺痿也用參耆歸芍加退熱排膿之劑而愈

蛇瘕

患蛇瘕乃蛇精液沾菜上誤食之者腹內成蛇或食蛇亦有此其證常饑食之即吐出赤頭蜈蚣一條灸為末作二服酒下

龍瘕

誤飲龍精而成龍瘕者用寒食飯三升每食五合日三次得吐

即愈

當癢

誤食蛇交螫而成癢或因食螫則痛並用雞糞一升炒黃投酒中浸一宿澄清去貯別器以糞炒乾為末用澄清酒調下一合即愈

雞瘕

雞瘕有病冷痰者醫曰因食白淪雞過多故也用蒜者熟食之二三枚乃吐一物如升大痰涎裹之開而視之一雞翅也再服熟蒜吐十三鄒方愈

胞滿

一婦產後有傷胞破不能小便常常滲漏不乾用生絲絹一忍剪碎白牡丹根皮白芨各末一錢水一碗煎至絹爛如錫空心頓服不可聲言即効

屍厥

人卧奄然死去去腹中走氣如雷名曰屍厥用硫黃一兩煇硝五錢研細分三服好酒煎覺烟起即止温灌之片晌再服遂醒

蛇頭瘡

患瘡如蛇頭突出數寸用雄黃硫黃塗之即消

人面瘡

有患人面瘡多在股上其形似人面有口眼傳藥上即食之無

古今醫譜卷之九十一  
夫與之飲食皆食之無一日將具毋末傳即密口不受遂拉之  
瘡口數次而痊

### 心漏

有患胸前潰竅血液常流二十年餘治之不効一方士教以麻  
茸酥炙附子泡鹽花棗肉為丸每服酒下三十九丸効

### 心疾見獅

有患心疾見物如獅子程伊川教以手直前捕之見其無物又  
以自愈

### 觀壁皆蓮

一婦病熱自視壁上皆是紅蓮花滿壁盡用漆痰下之愈

### 乳懸

婦產後忽然而乳細小下重痛甚名曰乳懸用芎藭各二斤  
內用半斤煎水服餘以燒烟燻口鼻二料乃愈

### 水道出線

一婦產後水道中出肉線一條長尺餘動之則痛欲絕先服失  
笑散數服次以帶皮薑三斤研爛入清油二斤煎乾為度用絹  
塊起肉線屈曲於水道邊以前薑薰之冷則熨之一日夜縮其  
大半二日則盡人再服失笑散芎藭湯調理如肉線斷不可治

### 刺骨癰

有患腫毒潰時常出一細骨名刺骨癰用生桐油調蜜陀僧如

膏絹攤貼愈

灸火出血

有人灸火至五壯血出一縷急如溺手冷欲絕以酒紗黃卷一  
二錢為末酒下止

頭皮蛆出

一人頭皮內時有蛆出以刀切破皮用絲瓜葉搗汁茶之蛆出  
盡根絕

痘爛生蛆

小兒痘爛生蛆以柳條帶葉鋪地將兒卧其上蛆盡出而愈  
竅有聲如兒啼

一人淵疽發於肋下久則潰竅有聲如鬼啼多陽陵泉二七壯  
即止

應聲蟲

腹中有蟲作人語隨人言則應名應聲蟲讀本草藥名悉應唯  
讀雷丸即不應遂服之而虫聲絕

指節斷落

人有手指節間痛不可忍漸至斷落以草麻子去殼二兩碎者  
不用黃連四兩貯瓶內水二升浸之春夏三日秋冬五日每早  
向東以此水吞下草麻子一粒漸加至四五粒微泄無害忌食  
動風物屢驗



古今醫統卷之九十二  
耳內鳴如雀聲

八患頭風證耳內常鳴如鳥雀啾唧之聲此挾腦風火之聲也  
用川當歸湯而愈

舌出寸餘

一人傷寒舌出寸餘連日不收用梅花冰片搽舌上應手而收  
重者用三錢方愈

舌脹滿口

子和治一婦人水舌腫大滿口諸藥罔效以錐針破之血出腫  
減三日方平

舌出不收

婦人產後舌出不能收以硃砂傳其舌令作產鬼之狀以一女  
扶之壁外潛將瓦器忽然崩墜响聲婦聞而驚舌則收

婦人生蟲

一婦人忽生蟲一對在地上能行長寸餘自後月生一對以苦  
參加對蟲藥為丸服之又生一對埋於土中過數日發而視之  
大如拳名子母蟲從此絕根

眼中血出

一婦人眼中血如射而出或沿鼻流下但出血多時即經不行  
乃陰虛相火之病遂用當歸生地酒芍加熟胡黃連黃柏知母  
條芩側柏木通桃仁紅花水煎食前服愈

妳頭裂

妳頭裂用秋後嫩茄子裂開頭者陰乾燒為末水調服

人被鬼擊

一人被鬼擊身有青痕作痛以金銀花水煎服愈

身紅點

男子每至秋冬遍身發紅點作痒此寒氣收斂腠理陽氣不能發越熯鬱內作也宜用人參敗毒散解表再用補中益氣湯實表而愈

身紫泡

一人因剝死牛腎悶遍身俱發紫泡便急刺破泡良久遂收而

甦醒更與敗毒藥愈

頭癩如斗

人患腦疽面目俱腫頭癩如斗此膀胱濕熱所致用黃連消毒飲二劑次以槐花酒二碗頓退以指下腫處復起此膿已成也於頭額肩頰各刺一孔去其膿汁頭目始開更以托裏藥加金銀花連翹二十劑全愈

紅絲瘤

東垣云曾一人生一子一歲後生紅絲瘤而死後四子皆然何也曰汝乃腎中伏火精內有紅絲故也俗名胎瘤汝試以精驗之果然遂以滋腎丸與之令其妻服六味地黃丸乃受胎生子

前證不作

蛇入人竅

蛇入人竅中急以手捻定以刀割破尾以椒或辛辣物置尾中以綿縛之即自出不可拔

產後食茶

一婦人產後日食茶二十餘碗一月後遍身冰冷救塊人以指按其冷處即後指下上應至心如是有者二年諸醫不効以八物湯去地黃加橘紅入姜汁竹瀝一酒杯十服而溫

聞雷昏倒

七歲小兒聞雷即昏倒以人參當歸身麥門冬少入五味子熬

膏盡一斤後聞雷自若

別有一喉

一人但飲食若別有一喉嚨斜過膈下徑達左脇而作痞悶以手按之則漉漉有聲以控涎丹十粒服之少時舌處熱作一聲轉瀉下痰飲二升再飲食正下而達胃矣

三陰交血出

一婦三陰無故血出如射將絕以指按其竅縛以布條昏倒不知人以人參一兩煎湯灌之愈

項腫與頭相統

一人頸項腫與頭相統按之堅硬漏芦湯一劑服下發痒項刻

消散

痒入骨髓

一人田間收稻忽然遍身痒入骨髓用食盐九钱泡汤三碗每  
進一碗探而吐之三進三探則不痒矣 此痰氣也

小兒遍體痒

一小兒遍身搔痒此火候也以生姜搗爛布包擦之而止 從治之也

盤腸產

盤腸產者於臨產即子腸先出而後產子產子之後其腸不收  
以醋半盞冷水七分勿令婦知倏然一噴產婦之面三噴之則  
腸收盡此升提之法也 恐即氣上

產戶一物如泡

丹溪治一婦產戶下一物如泡有尖約重斤餘却喜血不盡虛  
急與黃耆白朮升麻各五分人參當歸各一錢水煎連服三劑  
即收愈

胸間潰竅

一少婦胸潰一竅有膿血與口中所咳相應而出以參芪當歸  
加退熱排膿等藥而愈

玉莖長腫

一少年玉莖挺長腫而委皮塌常潤磨股難行兩腿氣冲上手  
足倦弱先以小柴胡湯加黃連大劑行其濕熱少加黃蘗降其

逆上之氣腫漸消莖中硬塊未盡以青皮為君佐以散風之藥  
為末服外以絲瓜汁調五倍子傳之愈

### 耳内生紫疔

一人耳内生疔如棗核大痛不可動用火酒滴耳內令仰上半  
時以箝取出絕根此名耳痔

### 陰莖腫大

一人莖頭腫大如升光如魚泡以二陳湯加升麻青黛牡蠣水

### 煎服二劑愈

### 新婚逆意

一少年新婚欲交媾女子阻之乃逆意遂陰痿不舉者五七日

以秃筆頭燒灰酒調空心服一錢即起

### 陰戶如石

一婦產後因子死經斷不行半年一日小腹忽痛陰戶內有物  
如石硬塞之而痛不禁群醫不識青林曰此石瘕也用四物湯  
加桃仁大黃三稜檳榔玄胡索附子澤瀉血竭為湯二劑而愈  
瘡血如溺

一人左手無名指爪甫生一小瘡初起麻粒大用小刀挑開瘡  
頭血出如溺不止一日夜長出肉瘤如菌裹指頂內開一孔如  
眼目轉動此疔毒也以艾灸四十壯不知疼痒復烙之剪去肉

癰傳外以膏藥貼之內服解毒湯七日愈

日夜小便百餘次

**續泉丸**

最効浮氣不足小便頻數一日夜共百餘次用益智仁

天台烏藥大為臂者等分搗末酒煮山藥打糊為丸如梧桐子

六卧時鹽酒送下五七十九

皮生惡物

一女十六歲四腕軟皮處生惡物如黃豆大半在肉內紅紫已

痛其諸藥不効方士教買水銀四兩以白紙二張揉熟蘸水銀

擦三日自落而愈

雞子愈癆

有患癆瘵二年一日無肉味腹痛不可忍及危某家恐傳染置

之空室待其自終三日無得肉食將雞子自煎食及熟忽打貴

嚏有紅線二條長尺許自鼻出入銚逐以碗覆煎之視之即癆

蟲也遂愈

吐物斷酒

一人自幼好酒片時無酒呼叫不絕全不思食日漸羸瘦或執

其竿縛柱上將酒與看而不與飲即吐一物如猪肝入酒器其

人遂安絕不思飲酒

鷺虱入耳

一少女近窓做針指忽患頭疼甚諸藥不効一醫察得窓外養

鷺知為鷺虱飛入耳內咬而痛也以稻稈煎濃汁灌之虱死而

出遂不痛

愈木瓜愈足

患足轉筋者密念木瓜二字七七遍即愈

閉耳出蟲

一切蟲入耳者如在左耳以手緊閉右耳努氣灌左耳其蟲自

出最妙

自吹目塵

一切塵埃等物眯目自以手撐開眼皮口內盡力啐之數口即

出不必猜人吹也

猫胎治噎

猫生子胎衣陰乾煨存性酒調服之治隔噎病極有效嘗聞猫

生子即有食胎衣欲取之者必候其生時急令人取可得若稍

遲則食矣

可以鍼肉龜

一人患腹痛延葛可久診脈謂其家曰腹有肉龜候熟寐吾鍼

之勿使患者知之知即龜其瘕夫患者問家人誑曰醫云寒氣凝

結多飲醇酒則自散矣患者喜引觴劇飲沉酣而卧家人亟報

可以以鍼利其患處病者驚悟傳以藥餌須臾有物下儼如龜

形厥首有穴鍼所中也病遂愈

視正為針

淮安富翁子忽病視正物皆以為斜凡九案書冊之類排布整齊必更移令叙自以為正以至書寫尺牘莫不皆然父母甚憂之更歷數醫皆不諳其疾聞鄉有名醫吉老遂携子往求治既診脉後令父光歸留其子設樂開宴勸酌不醉乃已扶病者坐轎中使人擡之高下其手常令傾側展轉久之方令登榻而卧達旦酒醒遣之歸家前日斜視之物皆正之父母濯然而喜且問治之之方吉老云此疾因醉中着閃倒肝之一葉搭肺葉故視正物為斜今復飲之劇醉則肺脹展轉之間然後舊歸原矣故視遂正藥餌安能治之哉翁厚酬金帛

鄒妻髮癩

張子和十形三療云戴人治王宰妻病胸膈不利戴人用痰蘆一涌而出雪白蟲一條長五六寸有口鼻牙齒病者忿而斷之中有白髮一莖子按徽僧病噎者腹中破一物其狀如魚即所謂生癥也嘉靖初長洲鄒妻患小腹下左生一塊形如梅李久之吐出始則腐潰若粒米之狀中則若覘肉之狀以指撚開即有長髮數條在其內名醫竟不能治遂至不起予嘗見蛇髮等癥往往戴於方書或偶因食物相感假血而成理故有之不可指為妄誕

諸腦柔物

昔有好食猪羊腦期年手足柔弱不能行遂成癱瘓按內則云



豚去腦魚去一鱖去醜鄭氏云是皆不利於人也左傳云晉侯  
夢楚子伏監而鹽其腦子犯曰吉吾且柔之矣杜預注云腦所  
以柔物令人熟皮必用猪腦欲其柔也乃知內則左傳之言有  
足徵矣

### 雞卵制蜈蚣

一農夫夏天晝卧於地熟寐之間蜈蚣入其口既寤覺喉中介  
介如梗狀咯不能出咽不能下痛痒不定甚為苦楚一醫用雞  
卵劈破入酒調勻頓服仍以大黃為不和香油飲之頃刻瀉出  
蜈蚣尚活動不死蓋蜈蚣被雞卵拘其足不能行動以利藥  
下之故從大便而出雞性好啄蜈蚣亦敢相制之意

### 巧治骨哽

一富家子弟被雞骨哽喉百方莫能治一叟見云我有功術但  
用手法取之不勞藥餌急取新綿白糖二物將綿裹糖如梅大  
其子嚥下八喉間留綿一半於外時時以手牽制待喉中作痒  
忽然痰涎壅出其骨粘於綿上而出遂愈

### 膽衡

錢仲陽以顛顛著名治一產婦因事大恐而病病雖愈唯目張  
不閉人皆不能曉問於仲陽曰病名膽衡者郁李仁酒飲之使  
醉即愈所以然者目系內連肝膽恐則氣結膽衡不下郁李仁  
可去結隨酒入膽結去膽下目則能開矣如言而効

古今醫統卷之九十三  
誤吞線錘

有稚子戲以線錘置口中誤吞之有胡僧啖以飴糖半斤即於穀道中隨糞而下僧云凡誤吞五金皆可啖飴也

非可墜金

一小兒誤吞金網圈一箇或云急用韭菜熟而勿斷與蚕豆同噉之不過二次其金圈從大便出矣

古今醫統大全卷之九十三

經驗秘方

秘傳神仙延壽丹 一名延齡至骨丹

新安徐春甫編集

真紅鉛一兩

人中靈

廂珀各二錢

天門冬

麥門冬但浸

兔絲子酒浸一書夜九蒸九晒過弓搗

秋石

五味子

晚蚕沙炒黃

鎖陽酥炙

遠志酒浸去心

當歸酒浸

川巴戟酒浸去心

肉蓯蓉

白茯苓

羌活各四兩

栝子仁

玄明粉

鹿角霜

山茱萸酒浸取勻

川骨脂

雞頭實

生地黄酒浸摘碎

熟地黄 同上

草解

川牛膝

枸杞子 甘州者各五兩

杜仲 酒浸炒去絲

川芎 雀腦者各三兩

鴉片 五錢

乾山藥

何首烏 泔水浸黑豆蒸醋下煮以羊肉蒸熟為度

補脛骨 耐炙四股痛加

蓮子 去皮心各六兩

茯神

乾茄根 各八兩切寸長飯上蒸熟晒

右為末以棗肉為丸如梧桐子大每服七八十九空心無灰好

酒送下 **滋補百藥** 不過固元陽卻疾而已 **進脩有存** 初調攝由

築煉小大裁接駐顏返老還童有不藥之藥循而上之上乘大

成接命長生之功驗可幾矣

保真種子膏

此膏能鎖玉池固精不泄養靈龜不死壯陽保真百戰不竭貼腎俞煖丹田子午既濟百病自除一膏能貼六十日金水生精

用功即孕大有奇效久貼返老還童馬鬣黑髮行步如飛延壽不備有通仙之妙又治腰腿寒濕風氣疼痛半身不遂五勞七傷下元虛冷不成胎息貼一月育孕

真香油 一斤四兩

甘草 一兩

穀精草 五錢

紫稍花

蛇床子 酒浸乾各二錢

人參

天門冬 去心

麥門冬 去心

生地黄 酒洗

熟地黄 酒洗

遠志 甘草水煎去心

兔絲草

牛膝 酒洗

鹿茸 酥炙去毛

廂骨 酥炙

川續斷

木鱉子 去壳

肉豆蔻 麩包煨

肉蓯蓉 酒洗去甲各四錢

以上一齊下

大附子 一箇製

海狗腎 一具製

杏仁 去皮尖

官桂

鉛粉 八兩續續下以槐条不住用手淘水成珠為度方下後項藥

松香 一兩

黃蠟 五錢

雄黃

硫黃

陽起石

赤石脂各二錢 沉香

木香

丁香

乳香製

沒藥製

蟾酥

鴉片

麝各一錢

右法用新鐵鍋一口以桑柴火漫熬先下香油

甘草同煎五七沸次下款精草等一十七味文火熬至焦色瀝

去渣再下附子等四味熬焦去渣淨再下鉛粉以槐條不住手

攪滴水成珠方下黃蠟等六味攪候溫方下沉香等八味攪勻

以銀確盛之封固懸井中七日出火毒用紅紵絲攤貼腎俞每

箇重七錢丹田每箇重四錢貼六十日揭去入房即厚如丹田

有毛隔紙貼外以軟帛束縛多行濟火之法其効甚大

透耳筒 治腎虛耳聾耳口如風水鐘磬之聲

椒目

巴豆

菖蒲

松脂各一錢

右為末薄薄攤於紙上捲作筒塞耳中一日一易

一方將前藥和蠟為丸如棗核大塞耳中

通耳丸 治卒然耳聾及腎虛耳聾耳鳴

穿山甲

用大片者以蛤粉炒焦色去粉不用

竭稍七箇

麝香許少

石為細末以蠟入麻油一滴為丸綿裹塞耳內

一笑散 治蟲牙疼痛不可忍

花椒為末二分

巴豆半箇

二味同碾飯丸如蛀孔大綿裹安于孔內痛即止而愈

治牙齦腫爛出臭水

古金醫經卷之九十三  
芥菜桿不拘多少 右燒灰存性為末敷上愈

治風蟲牙疼痛

芫花

小麥

細辛

花椒

防風

食鹽各一錢

右用水煎漱牙勿嚥

擦牙方

牙角去弦

生姜

升麻

鞞地黃

細辛

木律

旱蓮草

食鹽

荷葉

槐角子

右各等分為細末每日擦牙能固齒黑鬚髮

方

七月間取旱蓮草連根一斤用無灰酒洗淨用青鹽四兩淹三宿取出油膩鍋中炒存性炒時將原汁旋傾入炒乾為末每日清晨用一錢擦牙連涎嚥之

又方

槐角取其二子三子一角者不拘多少河水洗淨仍泡於盆中二三日渾如泥以布取汁用桑柴火為膏其膏汁每一碗大約用青鹽蒺藜石脂破故紙各三兩為細末和勻以瓦器晒乾仍為細末每日清晨未梳洗之時擦於齒上候洗漱之

子四五子兩相連者不用

槐角子霜降後取一

固齒烏鬚返老還童丹

川芎

細辛

荊芥穗

當歸全用各三兩

青鹽四兩

右為細末用陳倉米飯八兩將前末同一處搗成每兩作一餅曬乾以灰火燒紅斷烟存性用碗覆在地上冷地復為細末用生香附米八兩搗頭末四兩餘不用將前藥共一處攪勻以鉛盒盛之早晚擦牙良久用水漱去

治急喉風乳蛾閉塞

用新鮮牛膝根一撮艾葉七片搗碎八孔和再搗取汁令病人仰卧將汁灌入鼻內須更痰涎即從口鼻出而愈

接骨方

用小雞一隻重二兩以下者將手閉死勿令出血去毛將刀切細加風化灰二錢碾細搗成膏用油紙包圍貼患處蒸綿裹之服接骨丹三錢

接骨膏 又名當歸合氣散

當歸兩半

川芎

骨碎補

沒藥各兩

乳香五錢

廣木香二錢

川烏八錢

黃香一斤

古老錢七筒酒浸七次油三兩熬熟下藥

右用前各藥為末和油成膏油紙攤貼骨碎衣舊筋斷續而破

接指方

用真正沉重蘇木為細末敷斷指間外用蠶繭包縛完回數日

如故亦治其餘皮膚刀矢傷

治刀斧傷止血定痛生肌一上即愈

晚蠶蛾

白芷

當歸頭

陳年石灰

各等分為末傳傷處即愈

雞鳴散

治從高墜下及水石壓傷瘀血凝積痛不可忍並以此藥推陳

致新

大黃酒蒸一兩

桃仁七粒去皮尖

當歸尾五錢

右為末酒一碗煎去滓五更雞鳴時服取下惡血即愈若氣絕

不能言急以小便灌之即醒

滋陰百補丸

專治女人勞傷氣血不足陰陽不和乍寒乍熱心腹疼痛不思

飲食羸乏力

香附子

一斤炒去毛分四製酒浸四兩鹽水浸四兩俱炒焙乾

當歸六兩酒浸

川芎

熟地黃酒浸各四兩

茯苓

玄胡索

炒各二兩

白朮

四兩

甘草

灸兩

益母草

半斤每日搗

右為細末煉蜜丸如梧桐子大每服五六十丸空心或宿砂湯

或醋湯或酒或滾水任下

治婦人下寒久不生產方

胡椒

杏仁

核桃仁

蜂蜜各四兩

右搗爛用磁瓶一箇以紙封固用繩繫緊用竹箭一條插封瓶  
紙中間以通其氣放瓶于鍋湯內煮一飯熟為度取起每日清  
晨用熱酒服三茶匙睡一覺起必服如火熱自然有胎

治五淋方

淡竹葉 赤茯苓 荊芥穗 燈草各一錢

車前子生用半兩 右作二服水

治男婦諸淋

牛膝一名苦枝根一名鼓椎草 不拘多少洗淨槌碎一握水五碗煎至一

碗去滓入麝香乳香末各少許空心調服小便內當下沙石剥  
剥有聲是其驗也

秘元丹 治精不禁危急者

灵砂水飛 龍骨酒煮焙乾為細末各一兩 砂仁

柯子小者以執灰火煨取肉各半兩

右為末糯米糊丸如菉豆大每服五十九空心温酒服

治小水不通方

生車前草搗取自然汁半鍾入蜜一匙服

加減槐花散 治便紅

條芩一錢 黃連八分 槐花炒七分 枳殼五分

升麻一錢二分 赤芍藥一錢 生地黄八分 甘草二分

蒼朮三錢五分 當歸五分 右水鍾半煎七分食前服



腰痛方

取橙子核炒乾為細末三錢以白酒調即愈 **又方** 取西瓜連肉厚皮切作片陰乾為細末以鹽酒調空心服妙

養心湯 勤王勞心疾多少睡心神不足宜服

人參 二錢 當歸 酒浸 八分 酸棗仁 去殼炒 一錢 白茯苓 去皮 八分

茯神 去木 五分 甘草 二分 黃連 酒炒 五分 麥門冬 去心 七分

白芍藥 酒炒 七分 黃柏 酒浸 橘仁 去白各 八分 遠志 甘草水煮 去骨 五分

右水鍾半蓮肉四箇去心煎至七分食遠服

回春丸 治疝氣

取雙蒂茄子懸於房門上出入以眼視之茄淹所患亦淹茄乾

亦乾矣又云將雙蒂茄懸門上每日抱見視之二三次安鐵釘

於茄上十餘日即愈 **又方** 金絲瓜架上初結者直待滿架結盡

葉落瓜枯方取下燒灰存性為末煉蜜調成膏每晚好酒調一

匙下如前病在左則左睡病在右則右睡

治脚上火丹方

以大黃磨水頻頻刷上自愈

治一切寒濕脚氣方

用牛皮膠一塊以刀細切入鍋內同麥麩炒成珠研為細末每

服用酒調下一錢其痛即止

又方 治遠年近日 脚瘡流黃水者

黃柏 不拘多少刮去粗皮用猪膽汁塗之晒乾復塗復晒如此七次為度研成極細末先用花椒煨鹽煎湯洗淨瘡拭乾方以栢末搽之二三次即愈

治手足皸裂春夏不愈者

生姜汁

紅糟

食鹽

骨髓

右研爛炒熱擦入皸內一時雖痛少頃皮皸皸合再擦即安

治脚轉筋

急將大蒜磨脚心令遍熱即差

淵然真人奪命丹 治疔瘡發背腦癰乳癰附骨疽一切無頭

毒惡瘡服之便有頭不痛者服之便痛已成者服之立愈

蟾蜍 三錢乾者老酒化之

血竭 一錢

乳香

沒藥

銅綠

硃砂 各二錢為衣

輕粉 五分

膽礬

鉛粉 各一錢

雄黃 二錢

麝香

腦子 各五錢

蝸牛 十一个連殼用

蜈蚣 一條酒浸炙去頭足

右為末將蝸牛研作泥和前藥為丸如菘豆大右丸不就以好

酒煮麵糊為丸每服只二丸先用葱白三寸令病人嚼爛吐於

手心男左女右將丸子寡在葱白內用無灰熱酒三四盞送下

避風處以衣被蓋覆約人行五里之久再飲熱酒數杯以助藥

力發熱大汗出為度如汗不出者再服二丸汗出則効初覺者

二丸即消三五日病重者再進二丸如疔瘡走黃過心難治汗

出冷者亦死如病人不能嚼葱播爛裹藥仍以熱酒送下病在上食後服病在下食前服忌冷水黃瓜茄子油麵猪羊雜肉魚一切發瘡等物及婦人洗狐臭犯之難治

治發背並疔瘡癰瘡一切無名腫毒

先將硃砂為末以淨盤盛之再取明礬不拘多少鮮明者佳用砂鍋溶化就熱用筋頭挑熱礬敲成丸入硃砂盤內相伴為衣如豆大壯者服三十丸虛弱者或九九七丸用生葱搗汁和滾湯將前藥送下用厚綿被蓋臥出汗即愈如汗不出再依前服以汗為度其方旋用旋丸

治各項腫毒

用白灰末以無根井水調攤紙上貼患處已成者加大黃少許

鐵井欄 治一切腫毒背癰以此藥圍定下不復鮮開

芙蓉葉

重陽前取

蒼耳葉

端午前取燒灰存性

右為末蜜水調傳之

治多年不愈天庖頑瘡

南膽礬

汞

明礬

枯過各一錢

香油

量用

右共研不許犯鐵器以汞不見星為度四肢均搽不許犯風用加衣已時上藥午時出汗未時省衣如此三日神效

治下疳瘡 用輕粉一味研細乾搽之即乾靨而愈

治白汗斑

灸夾白穴即愈或以針刺之出血即愈此試驗者夾白穴先於

兩乳頭上塗熏令兩手直伸夾之染黑處即是穴也

救危急十證

**救自縊死** 自旦至暮雖已冷可活心下微溫者雖一日已上可活急抱起死者使繩寬解去繩切不可割斷却與之微微撚正喉嚨放倒卧用被蓋急用竹管吹其兩耳一人急牽其髮不放手就用脚踏其兩肩一人摩其背及屈伸其手足摩捋之如活即以飲與之此法救人無不活者

**救水溺死** 先以刀斡開溺者口橫放筋一隻令其牙啣之使可出水或覆甕或立甑以溺者腹肚復其上令頭垂出水如無甕甑橫腹圓木上亦可水出後令健夫屈死人兩足着肩以上以背相

倒駝之而行令出其水盡仍先打取壁土一坩置地上以死者仰卧其上更以壁土覆之上露口眼自然水氣翁入土中其人或甦仍急用竹管各於口耳鼻臍窠門內更迭吹之令上下氣相通又用半夏末少許搗其鼻如畧活用清粥飲灌之

又孫真人救溺死法急解去死人衣帶艾灸臍中即活矣

**救冬月墮水凍死** 四肢冷口不能言只有微氣者不可便以大灸用布袋盛熱灰放在心頭冷即換熱者待眼開却用溫酒或米飲灌之

**救伏暑死** 不可使冷冷之即死宜用溫湯常摩洗其心腹間如路途急切用路上熱土腹臍間令人更尿其臍中即活

救暑渴死 用路上熟土大蒜等分爛研水調去滓飲之即活

救卒中風不省人事 多因痰壅用 白礬二錢仲生研為末生姜

自然汁調幹開口灌下其涎或吐或化下便醒

救卒中惡不省 用韭菜研汁灌入鼻中

救睡卧中不省 用韭菜研汁灌入鼻中

救睡卧中不省 用韭菜汁滴入鼻中冬月用韭和根搗汁灌之

治從高墜下瘀血冲心欲死 用豆豉一大盞水二碗煎二沸去滓

服若便覺氣絕不能言取藥不急摩開口以熱小便灌之

凡壓死溢死溺死斃死產後暈絕 此名五絕可用半夏一味為末

如豆大吹納鼻中須臾即活

神醫華陀云十般危證急如風火故選名方救之

一危證霍亂吐瀉 或因飲冷或冒寒或失飢或大怒或乘車舡傷

動胃氣令人上吐下瀉不止頭旋眼花手足轉筋四肢逆冷用

吳茱萸 半兩 木瓜 半兩 食鹽 半兩 同炒焦先用瓦瓶水

三升煮令百沸却入前三味同煎二升已下服之

一方用枯白礬為末每服一大錢百沸湯點服

又方却用鹽一撮醋一盞煎七分溫服或鹽梅醃酸等物亦可

煎服

二危證纏喉風閉 腫痛手足厥冷即時氣閉不通用皂角 三皮挪

水一盞灌下立愈

一方用皂角一皮百草霜一錢同研為末冷水調加清油數點灌之 又方用升麻四兩剉碎水四碗煎一碗灌之即愈

**三危證吐血內損**或因酒色損傷心肺血氣妄行口鼻俱出用荆

芥一握燒灰置地上出火毒細研每服三錢陳米飲調下

一方用百草霜研細每服三錢濃米飲調三服妙

**四危證中砒毒**煩燥心腹疼痛頭旋欲吐不吐面青黑四肢冷用

青鹽一握細研以井花水調下一碗灌之 一方用麻油二升

灌之 一方用地漿水濃服三碗即握開土地以水傾入攪濁服

**五危證人厥**奄然死去不省人事腹中氣走如雷鳴用生姜自然

泔半盞和酒一盞煎令百沸并灌服之仍灸丹田百會氣海穴

**六危證中見氣**忽倒地四肢冷手握拳鼻口出血

雄黃為末一錢許煎桃葉湯調下 一方用故汗衫衣或觸衣即

小男用女衣女用男衣燒灰每服二錢七沸湯調服

**七危證脫腸**小腹急痛腎縮面黑氣喘冷汗自出

連鬚葱白三莖沙盆中研爛以酒五升煮取二升作二服仍用

炒鹽先熨臍下氣海穴處勿令氣冷為佳

**八危證鬼魘鬼擊**房中被鬼打作聲叫喚不省靈龜心土槌碎為末

每服二錢新汲水調下更挑半指甲吹入鼻中又灸兩足大拇

指聚毛中三七壯又用桃柳東生枝各三七寸煎湯三盞後溫

灌服

九危證乎婦逆生

槐子七粒研細新汲順流水下

又方用烏蛇退一條蟬退二七箇頭髮一束共燒灰温酒調下  
三服仰卧片時即生○又方用小緝線鍼就兒足心各刺三五  
針急用鹽塗刺處即順行矣

十危證胎衣不下

惡血湊心迷悶胎衣逆上用赤小豆一升炒過

水三升煮取二升去豆取汁温服立下又方以婦人自身手足  
指甲燒灰酒調下一服却令有力婦人抱起將竹筒於心上趕  
下為妙

治傷寒陰陽之證

神授太乙散 不問陰陽兩感表裏未分皆効

川升麻

白芍藥

此蘇葉

乾葛

陳皮

川芎

青皮

甘草

香附子

白芷

右等分為散每服三錢水盞半姜三片煎八分連進二服如頭  
痛加通鬚葱白葶氣痞中滿加枳殼

治傷寒結首

大黃連

七十

巴豆

十四粒  
去壳

右為末津唾調餅子置臍中以艾炷灸其上候熱透腹中方止  
不拘壯數灸了即以温湯浸手帕拭之去毒此法屢常救人

治瘧

好常山

右為末用雞子清九梧桐子大每服五十九溫酒或醋湯吞下  
未發先一夜服發日五更初又一服必效若久病則多服取效  
一方用常山為咀用雞子清攪勻飯上蒸三次去雞子清以常  
山晒乾為末搗飯為丸臨臥清長酒吞二十九不吐不瀉即愈  
又方用青蒿薄桂二味各為末若寒多桂少蒿用老生薑二  
兩連皮搗汁和熱酒調以衣被蓋臥即愈若熱多蒿少桂亦  
依前法服 桂蒿三七分用  
又方不問久年近日神效常山二兩瘦如雞骨者剉碎用好醋  
浸一宿瓦器內者乾剉為散每服二錢水一盞煎半盞去滓五  
更初溫服之不吐不瀉神效

又方用知母梔母常山檳榔等分剉碎酒各一盞煎一半用綿  
蓋定露一宿五更面東方溫服之不問寒熱瘧人久年不瘥一  
服見效但不可令婦人煎

**治赤白痢方**

訶子十二箇六箇煨熟六箇生 去核取肉焙乾為末若赤痢

用生甘草煎湯調下白痢灸甘草煎湯下空心服之甚善再進

**治痢方**

大半夏二箇 巴豆二粒 百草霜一錢 京墨一糖如

右碾為末用黃蠟三錢清油少許溶和丸如黍豆大每服七丸  
紅痢甘草湯下白痢乾姜湯下暑泄冷熱水吞下神效難盡之



**治禁口痢** 其證有冷有熱有冷熱不調皆須先發散表裏如手心  
 執宜用**敗毒散**加陳米煎服如手心冷及純下白痢者是寒宜  
 以蓮肉不去心為末用米飲調每服三錢候進飲食然後隨證  
 冷熱治之

又方用紅水槿花不用蒂陰乾為末先用麵煎餅筒以花末  
 摻其上食之食時以湯灌之開其口

**治痢**

紫胡

黃芩各等分

右酒半盞水半盞煎七分溫冷空心或早服若血痢多加黃芩  
 又方鹽梅除核一箇合好春茶末用醋湯調服

**轉筋泄瀉**

陳皮

木瓜各等分

右水煎入醋少許鹽一捻服之

一方吳茱萸三錢同艾煎湯一椀半分作三服即效 又如藥  
 不便只用艾葉生姜煨同煎服

**攪腸沙證**

發即腹痛難忍但閉沙腹痛而手足冷看其身上紅點

以燈草蘸油點火燒之陽沙則腹痛而手足煖以針刺其指皆  
 近爪甲處一分半皮肉動處血出即安仍先自兩臂將下其惡  
 血令聚指頭出血為妙。又痛不可忍須更能令人死古方名  
 乾霍亂用鹽一兩熱湯調灌入病人口中鹽氣到腹即定又將  
 石沙炒令赤色冷水淬之良久澄清水一二合服之

治霍亂吐瀉諸藥不納

藜豆

胡椒各四十粒

右研碎水浸煎服如渴甚研為細末以新汲井水調服神效

又霍亂吐泄不止新艾一把水二碗煎一碗頓服若無新艾舊艾

濃煎湯服又方用木瓜一兩茱萸半兩湯泡七次茴香二錢半

甘草二錢

右剉每服四錢水盞半姜三片紫蘇葉十片煎乾心服之

治癰疽發背初生灸法屢試有驗

凡人初覓癰疽發背已結未結赤熱腫痛先以濕紙覆其上立

視候其紙一點先乾處即是結疽頭處取大蒜切成片如當三

分厚安在頭上用大艾壯灸之三壯換一蒜片痛者灸至不痛

不痛者多至痛時方住最要早覓甲灸為上方發一二日者十

灸十愈三四日者六七愈五六日者三四愈過七日則不可灸

矣若有十數頭作一處生者用大蒜研成膏作餅子鋪瘡頭上

聚艾灸之亦能安也若背上初發赤腫內有一粒黃如粟米者

即用獨蒜切片如前灸法治之次日去痂膿自潰矣

竹筒吸毒方

並治諸般惡瘡

竹長一二寸用頭節妙刮去青皮似紙薄為佳其大小隨瘡斟酌應毒瘡初發時用

白茯苓

蒼朮

烏柏皮

厚朴各五錢

右為咀水一銚同前竹筒煎煮以藥將乾為度乘竹筒熱以手

按之於瘡上頃之其筒自粘在瘡上不必手按也仍更用前藥  
分兩再煮一筒候前竹筒冷以手拔去再換熱者如前法其膿  
自吸入筒中而瘡愈矣

**治癰疽十宣散**

九癰疽皆由氣血凝滯風毒癰結此藥發散風邪  
流行氣血排膿止痛生肌長肉未成者速散已成者速潰五毒  
不試而坐收功效許士云昔有背瘍者諸藥不痊乃用此  
方熱酒一升下藥五六錢少頃頓減七分教服後瘡潰膿不下  
月瘡口遂合又有婦人收間腫如碗服此而安又有腦發者服  
藥醉飲久卧醒而病去但選藥精妙服藥貴多服至瘡口合更  
服所以補前損社後患不飲者濃煎米香湯下亦可仍畧用酒

為佳藥品于後

**人參**

用新羅者去  
芦細剉焙乾

**當歸**

用中大如馬尾  
者淨洗剉焙乾

**黃耆**

用綿者如箭幹長尺余不開  
又者淨洗寸切  
抽碎擘如綿狀鹽湯浸透微火  
炙酥再用

**川芎**

好者洗淨  
切焙乾用

**厚朴**

厚而紫者去粗皮  
姜汁淹一宿炒焙

**桔梗**

有心味者洗  
淨去芦切焙

**桂**

用卷薄者去  
粗皮不見火

**甘草**

生

白芷 右取淨極乾方秤人參黃耆當歸各二兩餘七味各一  
兩除桂外一處為末入桂令勻每服三錢加至五六錢桂須多  
買取淨末秤凡信心精合多服神效

**黃耆**

治發背癰疽諸般惡瘡皆效有人遍身生瘡如蛇頭壯服

之亦效

**白參**

不拘多少生用為末每搽一兩用

**黃耆**

七錢溶開

出火傾入礬末和勻丸如梧桐子大每服十九至三十九不  
拘時米湯或溫熱水吞下如未破則內消已破則便合不過十  
數服必效○如回服金石藥毒所致亦宜服此○又只食白礬  
末一二十匙以溫湯嚥下亦效黃蠟須是山蠟色黃者為佳不  
動臟腑止疼痛不問老少虛弱皆服之大能護膜救心防熱毒  
內攻令人危安妙難盡述

**治疔**

蛇虺一圭  
燒灰

甘草炙半

為末溫酒調下已破用前藥以生

油塗之

**一方**

用皂角燒灰蛙粉二味和勻酒調服仍用手揉散

之

**一方**

收五月五日粽箬燒灰調酒服即散屢效

**一方**

用馬鞭

草酒搗炒加推碎姜一片帶熟服一二碗就以滓哈患處

**治水衝瘡**

梔子一箇去穢入白礬一塊於內火中燒之連殼礬為

末塗瘡上仍先用水洗淨糝藥

**治疔瘡**

爐乾石火煨醋淬為末油調搽加香茶孩兒泥尤妙

方黃礬雞子清和炒三五次為末清油調搽濕則乾糝

**治一切貝上瘡**

執者雞子黃炒令油出以油將輕粉和勻傳之

**治口瘡**

甘草白礬等分為末噙化

**又方**

五倍子為末糝之

又方治三焦有熱口舌生瘡瘡痛不可忍者用朴硝五味子滑

石黃礬炙白礬枯黃丹炒寒水石煨玄胡索等分為末糝瘡上良

父立愈

**治諸腫** 癰疽已潰令愈未潰令消用草烏一味為細末并花水調

塗腫處留瘡頭勿塗破者不可塗瘡口或加芙蓉葉尤妙

**治腎風陰囊瘰癧手又白** 用猪尿包火炙令熟空心食之鹽酒嚙下

又用糯稻草將皂角在草內燒烟薰之十餘遍即愈服藥可用  
清心蓮子飲

**治纏蛇丹** 龜心土乾研青油調塗 **又方** 糯米粉和鹽同嚼唾處

一方上綉鐵釘磨水擦 **又方** 馬蘭丹草搗醋搽之即愈

**蛇頭** 痛不可忍臭不可聞用蜈蚣一條焙乾為末猪膽汁調塗

又枋黑豆生用為末却將黃梔子殼一箇納豆末於內籠縛在  
指頭上即安

**赤眉瘡** 猪腿筒骨五根或七根生并開取髓入銅銚溶却旋隨多

少入白膠香末攪勻成膏為度則取出於新磚上去火毒一時  
研末入輕粉隨骨數幾貼油調搽濕則乾糝

**治咽喉** 用川升麻一兩煎水一碗口含一時許却吞下三服愈

又方白礬枯訖置地上少時出火毒以口嚙化下妙

**治纏喉風** 肥皂角一條去子細剉用清水一大盞浸研絞取濃汁

半盞入生麻油一匙筋攪勻頓服以鷲毛頻攪咽中吐涎為度  
然後用解散風毒藥治之 **又方** 白礬磨醋噙化出毒涎妙

**治重舌**

白礬生

谷丹飛

五倍子各等

為末用蜜調塗舌上少頃用水漱之再塗以安為度  
**方** 蒲黃少許搽舌上即消  
**方** 朴硝白礬為末搽入口中又用好醋磨膽礬噙吐涎妙

**治反胃** 反胃之疾十有九死非藥不效因輒強以食或飲以羹湯是速其吐今得其說不強以食絕其羹湯先投米復丹暑藥知其非伏暑證遂投養正靈砂之類飢則以飯炒香干啖之一點湯水亦不與三日後竟不復吐飲食如初始方用甘蔗搗汁一升生姜搗汁一升打和分作二服  
**方** 棗子一箇去核裏全斑猫一箇用文武火煨畢去猫用棗空芯服之白湯送下又取驢溺汁每日服一盞妙

**治反胃丸仙餅**

人參 南木香 南星 姜汁洗七次各二錢 甘草 一錢

半夏 五錢 生薑汁洗七次 枳殼 去壳 麩炒 白礬 明爭者枯 豆豉 焙過各一兩

厚朴 姜汁浸炒 乾者五錢

右為細末後夜間晴時露過以人參厚朴煎湯糊作餅子小平錢大慢火焙乾每服一餅用姜一大塊切作片夾餅子藥用紙裹浸溫慢火軟煨連姜及餅子嚼碎以真料平胃散調湯吞下切忌諸般生冷仍令病者寬心開懷服藥調理方可見效

**治反胃** 藥不効及小兒吐而不止者好**疏黃**半兩細研入**水銀**

二錢半同研無星每服三錢先取生薑汁酒一盞煎軟調藥空

心服調時逐漸着酒緩調令勻服了用被蓋汗出安

**治消渴神效散**

白芍藥

甘草

各等分

右為粗末每服三錢水盞半煎

八分不拘時日三服渣復前痰止則已

**治消渴神效丸**

蜜陀僧二兩

黃連

一兩去芦

右為細末蒸餅糊為丸如梧桐子大濃煎薑非鹽湯或酒或茄根湯吞下一口五九日增五九至三十九至矣不可多渴止勿或在外店有客患此病夜求水不得酌釜中湯飲之而愈但往視者一服重湯用雄牛穿鼻木燒灰存性為末酒調服或

剉碎煎湯服之數服見効

**治小便不通**烏柏木皮煎湯調下五苓散立通如無藥處只以柏

皮煎湯亦可又方用荆芥九錢大黃一錢煎服尤妙

**治大便不通**及老人風虛秘結陳厚用燒灰存性以碗蓋在地下

一宿空心酒下立通或以蘿蔔子搗冷水下亦通又方用大黃

九錢荆芥一錢空心水煎服即効

**又治大小便不通**經三五日者

不蛀皂角燒灰以米湯調下三錢即効又方用黑豆一百二十

粒粉草二寸剉斷水煎乘熱入滑石末一錢空心服之

**治大小便不通方**

用蜂蜜一杯入皮硝二錢滾湯一盞空心調下又方用火燒鹽  
填於臍內切蒜一片蓋鹽上艾灸二三炷即通

又方治大腸有風大便秘結

皂角去子 枳殼去穢

右等分為末蜜丸如梧桐子大空心木飲下七十九

五仁丸 治津液枯竭大腸秘澀

栝子仁半兩 桃仁 杏仁炒去皮尖 陳皮四兩

松子仁一分 郁李仁炒二錢 右五仁另研為膏入陳皮末研

勻煉蜜丸如梧桐子大每服五十九空心米飲下

**治血** 多曰虛損得之平胃散 每服五錢加龍骨一錢同煎空心

服之數服見効

**治白濁** 小便濁頻甚者用陳東瓜仁炒為末空心米飯調下五錢

數服見効又方 白茯苓四兩 猪苓兩 水一碗煮至半去猪苓用茯苓

苓焙乾為末溶蠟丸彈子大每服一九早晨細嚼用燈心棗子

麥門冬煎湯送下。或服葶藶分氣飲

**治久患脾泄**

生姜四兩 黃連兩 二味剉碎一同慢火炒令姜乾脆深

赤色去姜用黃連為末每服二錢空心茶清調下

**又黃腫方**

三稜醋煮 莪朮醋煮 蒼朮米泔浸炒 厚朴姜汁炒



陳皮去白各一兩

甘草半兩

青礬二兩

右前六味為末後將青礬同占米粉和研作糊為丸每服五六十九丸米湯吞下忌猪母雉雞鴛牛羊等肉毒食

**秘方無名**

治水腫病心腹堅脹徧身腫痛咳嗽喘急並皆治之

赤茯苓

大戟

甘遂各一兩切 芫花忌甘草

檳榔

青皮

黑牽牛各兩半

右為末薄麩糊為丸如梧桐子大每服三十九丸隨病虛實加減丸數用之湯使如後

**治便紅**

烏梅肉

燒灰存性

不以多少醋煮米糊為丸梧桐子大湯酒任下

一方 用黃連扁柏葉焙二味為末空心酒調下

一方 荊芥穗砂仁等分為末每服三錢糯米飲調下日二服

一方 五倍子為末塩梅搗膏丸梧桐子大酒湯任下五十九

**治瀉血**

百藥煎不拘多少半燒灰半生用碾末軟飯吞每服三十九丸米飲送下

**塗洗藥**

治痔神效

朴硝 用井花水調洗如要塗用雞蘇丸和蜜并朴硝調搽之

一方 用銅青蜜陀僧各一錢麝香少許共為末以津調和搽之

**唐瘡突生**

速效如神

韭菜洗淨以沸湯煎炮於瓦木桶內薰之通手沃洗最妙

治脫肛

烏龍尾即梁上懸同鼠糞和之燒烟於桶內令坐其上就其烟

薰之數遍即不脫矣

治咳嗽

人參 防風 半夏製 甘草

陳皮 桔梗 杏仁去皮尖 麻黃去節

桑白皮 紫蘇 烏梅每服一箇 堯苓去筋炒無以粟殼代

右等分以咀每服三錢生姜五片煎七分睡至一更盡通口服或留渣次夜服量證輕重

治失聲

皂角一挺去皮 蘿蔔三個切

水一盞煎半盞以下服之不過三服能語聲出

治暴失音

用猪脂一斤煉成油去渣入白蜜一斤再煉少頃濾過

治鼻衄

以蘿蔔自然汁半盞酒半盞和勻湯內溫過服効

治頭風

如神丹治頭疼不可忍 光明硫黃 硝石各一兩 同研水丸如芡實大空心茶嚼下

治虛元君頭風丹

大川烏上兩者以河水煮一沸去水如淨處 遼細辛四兩去

再煮凡七次或阻以益炒黃色為度 芳酒浸

麝香許少

高細芽茶斤半

右為末每服三錢食後臨卧茶

清調下少時更以熱湯催汗出或鼻出涕為度

**心脾氣痛** 桂心為末白湯點服酒調亦可

**小腸氣痛** 神應散玄胡索 胡椒為粗末每服二錢酒水各半盞煎服

**又四聖散** 治疝氣外腎腫脹茴香炒 穿山甲炒 全蝎炒 南木香等分

為末酒調二錢一服痛住甚妙

**治偏墜疝氣方** 先服復元通氣散次五苓散各三錢去桂加牽牛

吳茱萸湯泡 等分如脹加陳枳殼炒 痛甚加八角茴香煎服

**治紫癩風**

硫黃一兩醋煮一日 海螵蛸三箇

同研為末浴後以生薑蘸藥軟擦患處須謹風少時數度斷根

**吐血咯血** 側柏葉瓦上焙乾為末米飲調下三錢三五服神效

**骨鯁**

乳香錢二 研細水調吞數口又方 不問雞魚骨鯁朴硝研細對

入雞蘇丸如彈子大仰卧噙化三五丸自然化去

**誤吞針** 磁器一塊呵之即出○又多食猪羊肥肉自瀉出

**小兒誤吞錢** 用炭燒紅急搗為末煎湯呷立効

**誤吞鐵骨刺不下** 危急者用

王不留行 黃檗去粗皮 等分為末浸蒸餅丸如彈子大青

黛為衣以線穿掛當風處每一丸冷水化開灌下

**毒疔傷** 急飲好醋一二碗令毒氣不隨血走或飲清油一二盞亦可然後用藥或用頭繩扎定傷處兩頭次用白芷為末白水調下半兩許服之頃刻咬處黃水出盡腫消皮合而愈

**治百蟲入耳** 搗韭菜沛和醋灌耳中

**耳中出血** 龍骨末吹入耳中○或白礬粘為末入麝吹之即止

**耳中常潤濕** 及出膿或黃水者

黃丹一錢 赤芍藥二錢 凌霄花二錢

為末吹入耳中如不退加白礬一錢 臙脂一錢 五倍子二錢 全蝎半錢

同為末吹入即乾

**耳聾及不聞聲**

磁石一大豆 麝香一字 駝鶴油竹筒

右用新綿裹了塞於所患耳內口中啣少生鐵覺而內風雨聲即愈須作三五次方可

**惡疽口** 大紙搦一條麻油點燈照薰傷處其毒盡入油烟內

**蜈蚣咬** 致腹痛者用田泥 為丸水吞下其蟲必隨土瀉出也

**顏狗咬** 韭菜根搗汁多服○又桃白皮煎服

**蜘蛛瘡** 用羊乳敷其上或用清油搽之即安

**蜈蚣咬** 嚼菜莖擦之

**黃蜂螫** 以熱酒洗之交効或用清油搽上

**蛇傷服藥**

細辛

白芷各五錢

雄黃半錢

右為末入麝香少許每服二錢酒調下

**湯火傷**水磨炭末塗

**刀斧傷損**血不止痛難忍者葱白鍋內炒熟搗爛乘熱縛定痛與

血隨止葱心再換盒痛處葱葉杵碎炒熱盒之

又用多年石灰研細加大黃為末等分炒粉紅色為度傳傷處

**治閃物手足疼痛**生姜爛搗和麩炒熱盒之加葱白

物入眼中不出清水磨好墨點眼角即出

**耳出膿水**生白礬末吹入耳中日三次立効

**針鉄竹木刺入肉不出者**

乾烏羊屎十數粒為末水調厚傅上痛即止刺自出

**冬月手足皸裂**白芨末水調寒之忌三五日不犯水

**治寒足根凍爛**五月五日午時用姜葱艾搭一時許更不再發矣

**牙疼青蒿**握水一椀煎至半椀待温漱之疼即止

**去蟲積檳榔**一味為末蜜水調下令患者先日少喫飯臨晚亦勿

與食次早五更服之

**穿掌毒**新桑葉研爛包盒上即愈

**小兒五心煩熱**温欲飲水者煮黑豆與食之安

**小兒慢驚昏沉**時或搐掣烏頭磨水暖熱與服之

**小兒急慢驚風**

震空丹二十粒

來復丹十粒

白丸子十粒

三味研勻糯米糊丸菽豆大者三丸小者三丸○慢鷲用北棗陳皮煎湯吞下○急鷲用生姜自然汁百沸湯下

**小兒十種丹瘡**

許學士云此十種丹毒如三日不治攻入腸貫則

不治也宜逐一仔細辯認依此方知之萬不失一

一飛竈丹從頂頭起腫先用葱白研取自然汁塗

二吉竈丹從頭上紅腫痛用赤小豆末雞子清調搽

三鬼火丹從面起赤腫用竈心土雞子清調塗

四天火丹從背起赤點丹桑白皮末羊脂調塗

五天竈丹從兩臂赤腫黃色用柳木燒灰水調搽

六水丹從兩脇虛腫用生鐵屑末猪糞調搽

七胡次丹從臍上起黃腫用檳榔為末米醋調

八野火丹從兩脚赤腫用乳香末羊脂調塗

九烟火丹從兩脚有赤白點用猪糟下土麻油調塗

十胡漏丹從陰上起黃腫用屋漏處土羊脂調搽

**治四時瘟疫**

神授香蘇散○方註云昔城中大疫有白髮老人教

一富人家合施城中病者皆愈後疫鬼問其富人家富人遂以

實告鬼相顧曰此老教二人矣遂稽顙而退

**仙方三補丸**

大補諸虛百損不問老少有疾皆効

破故紙二兩 兩隔紙 炒令香熟

白茯苓一兩

沒藥一兩 無灰 酒浸一時

右候酒浸沒藥如飴糖樣用前藥三味為末藥酒糊為丸如梧  
桐子大每服二三十丸空心熟水下

仙方云昔有人服此藥者至老顏容不衰蓋破故紙補腎茯苓  
養心沒藥養血三者既壯自然身安

**盜汗不止** 五倍子末以水調填滿臍中以帕縛定一宿即止

**治陰汗** 綿黃耆淨洗橫切細入銚中滴酒炒乾脆為末以猪火煮  
熟點喫之妙

**治瘰癧** 切斷黃瓜擦癩子上安或以棗葉煎湯澄之

**治咽嗔** 草蒜子隨多少去粗殼炒熟甜者苦者吐出多喫見効

**舌忽脹出口外** 是鉛汞毒用雄雞冠割血瓦盞盛浸舌就嚥下  
即縮

**人恍惚見鬼發狂** 平胃散加辰砂末棗湯調服

中惡鬼氣

其証暮夜或登廁或出郊野或遊冷室或行人所不至之地忽  
然眼見鬼物鼻口吸着惡鬼氣驀然倒地四肢逆冷兩手握拳  
鼻口出清血性命逡巡須臾不救此證與尸厥同但腹不鳴心  
腹俱煖凡中惡驀然倒地切勿移動其屍即令親戚眾人圍繞  
打鼓燒火或燒麝香安息香蘇合香樟木之類直候省記人事  
方可移歸

脫陽

其證多目大吐大瀉之後四肢冷元氣不接不省人事或傷寒

新瘥誤與婦人交小腹緊痛外腎緊縮面黑氣喘冷汗自出須  
史不救先以葱白煎炒令熱熨臍下次用

附子一枚重一兩者佳劉八斤

白朮

乾姜各半

木香二錢

右四味各研末水二盞煎八分碗放令冷灌服

須臾又進一服合滓併服

延壽丹一名打老兒丸

昔日兩川有一大人名陳轉運到于青城山下見一婦人在高  
山上望南行走如飛約年三十餘歲手執棒一條趕一百歲老  
兒轉運問婦人曰因何打老兒婦人答曰是女之孫吾乃五百  
餘歲老兒一百一十歲是老兒不肯脩煉服藥所以打之轉運

下馬跪拜曰願求此方傳留救濟世人因名為打老兒丸能治

五勞七傷陽氣不舉直氣衰弱精神短少不能行走小便無度

眼目昏花腰膝疼痛兩脚麻冷不能行立

石菖蒲雷公云味辛溫去須毛錐刀刮去皮節嫩桑枝條相伴蒸出晒乾去桑條用不可犯鐵器令人吐逆

川牛膝味苦辛平製去頭芦用黃精自然汁浸撈起換酒浸一宿若無黃精汁酒浸三日撈起焙乾用

乾山藥蒸出暴乾用遠志味苦溫去心用甘草浸一宿撈起晒乾又浸晒

巴戟味辛日微溫枸杞子湯浸一宿打去心却用酒浸一時許撈起用菊花同炒炭火焙令黃色去菊花不用只用巴戟

續斷味辛苦微溫酒浸軟去切裏便筋又以文火炒半乾晒用五味子味酸溫蜜湯浸以銅

茯苓味甘平去皮筋搗令細放水盆中撈之浮者去之是茯苓不用若誤服之令人眼

楮實子味甘寒水浸三日以杖撻取者用浮者去之然後撈起晒乾却用酒浸一時瀝



出蒸從辰  
至午焙用  
山茱萸 溫水泡浸軟取肉去核每一斤  
取肉四兩慢火焙之秘精固氣

軟地黄 採生者用初木煎蒸之以冷以酒拌再  
蒸又出令乾又拌蒸三四次勿犯銅鉄 肉苁蓉 酒浸一

宿刷去砂土浮甲劈破中心去白膜一重如竹  
絲草飯上蒸過從午至未再用酥炙黃得所用 甘州枸杞子 去

小茴香 酒浸一宿撈  
起炒乾用 杜仲 去皮酥炙  
炒無絲用

右將前藥製度為細末各等分酒打麩糊為丸如梧桐子大每

服二十九空心溫酒送下或滾白湯亦可服五日便覺身輕服

至十日精神快爽服二十日語言响亮手足輕健服一年白髮

轉黑行步如飛久遠服之百病消除長生不老

### 秘傳十子丸

呂祖師傳世度人能治百病條製丸成齋戒沐浴焚香先獻

天地祖宗擇六庚開成吉日方許人服每服五六十丸淡鹽湯

空心送下以乾物壓之服至百日功效無窮能添精補髓不老

不死專治男子永清不堅女人血鉛不足調和陰陽生育男女

神效立應又治五勞七傷心神恍惚夢遺鬼交五痔七疝諸般

損疾女人血鉛不足去栢子易香附子加當歸川芎生軟地黄

各四兩男子酒色過度精遺不生育如煉角霜八兩連珠巴戟

肉山茱萸生地黃黃柏枳殼何首烏蒸七次各四兩或二兩共

十子均為細末煉蜜丸如梧桐子大服之三生有幸者得傳此

方真濟世養身至寶勿妄傳非人

覆盆子

枸杞子

梔角子

和何首烏  
蒸七次用

桑椹子

冬青子

共蒸各八兩

沒石子

兔絲子

酒蒸搗爛

蛇床子

五味子

乾炒

栢子仁

各四兩先搗爛入

右為末加減如總論內條製丸服

人參膏

治傷寒汗吐下後及行倒倉法吐下後用此補之韓飛霞曰人參煉膏回元氣於無何有之鄉王道也又肺虛嗽亦宜人參膏補之如肺虛兼有邪火者人參膏與天門冬膏對服之妙用好人參去蘆或一斤二斤隨意切斤入砂鍋水浮於藥一手背文武火煎乾一半傾真一瓶盛之又將渣煎又如前併之於瓶內煎三次驗參渣嚼無味乃止却將三次所煎之汁去渣乃入砂

鍋內文武火慢慢熬成膏如一斤參只好熬得一飯碗足矣夫

成膏入碗隔宿必有清水浮上赤宜去之只留稍膏

白木膏

用上好浙白木煎法同人參膏

當歸地黃膏

當歸一斤生地黃一斤俱用竹刀切碎亦同煎人參膏法凡煎

膏只要用慢性人不疾不徐不令焦與泛溢凡盛膏須用淨磁

瓶每三四日在飯鍋上蒸一次使不生白花凡服膏須自以意

消息之自覺因言因怒與勞傷氣精神短少言語不接續便服

人參膏若覺脾胃不和飲食無味便服白木膏或血少生瘡瘍

三才圖會卷之九十三  
膚燥癢自汗遺精便多服當歸膏平時三件間用若嫌苦入煉  
蜜一二匙

### 蒼朮膏

存精固氣通達二十四關脉流注一身毛竅服之半月精滿氣  
盈元陽壯盛能補丹田能滅相火陰消陽長男子精冷絕陽婦  
人胎冷不孕服之一月顏面如童

蒼朮

十斤米泔浸一宿去皮春如泥大鍋內文武火煮水二  
桶約有十餘碗取出冷定瀉瀝去渣入磁罐內加衆藥

人參

生地黄

熟地黄

黃蘗

遠志

各四兩

杜仲

炒

川芎

核桃肉

川椒

破故紙

各四兩

碎青鹽

二兩

碎硃砂

一兩

當歸

四兩

旱蓮草

取汁二兩

蜂蜜

二斤

姜汁

四兩

右各藥共入前蒼朮膏磁罐內封固大鍋水煮香二炷為度以  
出埋地七日每日空心酒一盞或白湯服之

### 治年久癱瘓方

昔有人患此十八年獲此方愈

槐枝

柳枝

椿枝

楮枝

茄枝

東白艾

各一斤煎水三大桶高大盆浸洗冷添熱洗彼彼覆取大汗禁  
風三七日如未愈再洗

### 治鶴膝風

頭酒糟四兩 肥皂二箇 去子 皮硝 五味子去灰

砂糖各一兩

姜汁半盞調和敷膝上如乾加燒酒搽搽十日就愈

代茶湯 夏月服之以代茶健脾止渴

白木一錢五分 麥門冬一錢 去心

右煎作湯代茶服此一盞可當茶三盞夏月吃茶水多必至瀉

泄白木補脾燥濕麥門冬生津止渴

四製丸一名二妙丸 滋陰降火開胃進食盡除週身之濕

黃檗四製去皮一斤 酥炙十次 一斤人乳浸十次 一斤童便浸十次 一斤米泔水浸十次 各焙乾為末

無油蒼木咀片一斤 四兩川椒炒四兩 破故紙炒四兩 兩川芎炒所用

右去炒藥四味用蒼木同黃藥為末煉蜜為丸如梧桐子大每服三十九丸早酒下午茶湯下晚白湯下黃藥用六斤刮去皮淨有四斤蒼木用斤半粳米泔浸過割去皮淨有一斤

山精丸 健脾去濕息火消痰

蒼木二斤米泔水浸三日竹刀刮去粗皮切片陰乾所用 枸杞子一斤 地骨皮一斤

桑椹子一斗取汁去渣將蒼木斤浸入汁內令透取出晒乾如是者九次以木槌搗細末用

右為末與蒼木一併細搗和勻煉蜜為丸如彈子大每服一九

或二丸白沸湯下

遇仙丹 一名一粒金丹 王經畧於開通元年赴廣東安撫在

任忽患山嵐瘴氣肚腹脹滿無藥可治遍榜召一時有一道人

古今醫統卷之九十三  
揭榜云能治此病随付藥一丸服之後取下一條形如蛇長尺許當時留下本方云此實濟世之寶言畢轉步烟霧中騰空而去王經畧疾病随痊自此留傳在世凡人百病皆因飢飽酒食生冷過度傷其脾胃心腹脹滿嘔吐酸水面黃肌瘦飲食減少腸腹疾塊病初未覺日久則成大患此藥能治五勞七傷男女諸般勞嗽吐血翻胃轉食咳逆風壅痰涎冷淚鼻流清涕水瀉痢疾心腹疼痛酒疸食黃水氣宿食不化左癱右瘓三十六種風七十二般風潤三焦補精氣安五臟安兔兔壯筋骨益元陽寬背膈暖腰膝止疼痛烏鬚髮牙齒明眼目返老還少行走輕健五七日服一服

膈肭臍

阿芙蓉 各二分

片腦

硃砂 各二分

麝香

晚蠶蛾 各一分

右為末放磁碗內另用火酒一鍾將射干草不拘多少入酒內煎至八分然後傾入碗內以炭火滾四五次取出為丸如梧桐子大金箔為衣每服一丸用沙糖或梨嚼爛下之

又方 累試累效絕勝諸方

黃連 三錢

人參 一錢五分

右水盞半煎七分溫服藥入口即甦

蒼木丸 健脾去濕保長生古云若欲長生須服山精也

茅山蒼木

一斤米泔水浸一宿晒乾

雪白茯苓

六兩去皮

右為末東流水者神麩作糊為丸如豉豆大清晨滾湯送下七  
八十九

治飲食不住口仍易饑餓

用菽豆糯米黃芩各一升炒軟共磨成粉每服一杯以滾湯調  
服三五日効

育生糕

芡實去投

白山藥

白朮

茯苓白者去皮

人參

蓮肉去心各捌兩

右為末用粳米粉三升仍用白密一斤和勻蒸糕培乾白滾湯  
調服不拘多寡饑時用

琥珀散 追蟲比積甚効

黑牽牛兩

檳榔兩

右為齊忌用沙糖調湯送下三錢要見蟲積方飲食為少

貼瘡膏

三稜

陳皮

地骨皮

黃芩

黃蓮

五靈脂

苦參

玄參

赤芍藥

兩頭尖

草烏

香附子

當歸

香白芷

大黃各三錢

木鱉子十六箇去殼

輕粉

巴豆四十九粒去殼衣

乳香

沒藥

麝香

血竭

阿魏各一錢

香油一斤四兩

鉛丹十兩飛

右先將香油入銅鍋內即將十八味切片粗藥入油內用桑柴慢火煎之黑黃色為度濾去渣方入丹用槐柳條不佳手攪干遍將油滴入水內成珠去火再入細藥和勻收貯去火毒用絹攤貼每日換一次如辛揭去須用淨布鞋底焙至不煙復貼之待藥力盡自落不可強揭此藥製貼俱要淨室避忌禁一切生冷油膩發物

治痞積灸方

以雙線擊開元舊錢一箇懸於頸上適中處所錢目前且兩面下錢孔對臍為率切將頸上之線懸於喉上白背後垂下至錢

孔對服而止用黑點孔之中再錢之兩邊亦用黑點却去銅錢寫一十字於錢之兩邊點出灸一次至十餘壯更服他藥痞積消其效甚速

化痰丸

天絡絲即絲瓜也燒存性為細末棗肉為丸如彈子大每服一丸好酒下化痰立效

治嗽方

白糖餅打碎同生蘿蔔片間層在器中二三日披此得味均食之細噎無時二三夜嗽自已

治白濁方

川草薺

川黃蘗酒炒

麥門冬

遠志去心

兔絲子製 杜五味各等分

右加竹葉五片燈心十莖太黃少許水鍾半煎一鍾空心溫服

又方 治老人氣虛而淋

人參 白朮 山梔 木通

右各等分水煎服

金櫻丸 治精滑夢遺及小便後遺瀝

金櫻子 雞頭石各一兩 白蓮花蕊 龍骨煨各半兩

右為末糊丸梧桐子大每服七十九空心鹽湯下

五味膏

此五味一斤洗淨水浸一宿以手拔去核再用溫水將核洗取

餘味通置砂鍋內用布濾過入好冬蜜三斤炭火慢熬成膏待

數日後畧去火性每服一二匙空心白湯調服火候難於適中

先將砂鍋秤定斤兩然後秤五味汁并蜜大約煮至二斤四兩

為度

既濟方

半夜子時分陽正興時仰臥瞑目閉口舌頂上腭將腰拱起左

手用中指頂住尾閭穴在腎囊 右手用大指頂住無名指根拳

着又將兩腿俱伸兩脚十指俱攥提起一口氣心中存想脊背

腦後上貫至頂門慢直下至丹田方將腰腿脚手從容放下

再照前行陽即衰矣如陽未衰再行二三遍如初行時陽未興



三古今醫經卷之九十三 三十九  
勉強與之方可行夫人之所以有虛疾者因年少慾心太盛房  
事過多水火不能相濟以致此疾能行此法不惟速去泄精之  
病久而腎水上升心火下降即水火既濟永無病矣  
重洗痔瘡

五倍子 朴硝 桑寄生 蓮房又加荊芥

煎湯先熏後洗又冬瓜藤亦可

治痔漏補塞方

乳香 沒藥 辰砂各五分 南星

麝香各一錢 輕粉五分 血竭三分 牛黃三分

冰片二厘 蟾酥一錢 斑蝥十枚 信石一刃先用錢以白

礬一兩蓋於信上火煉枯生用五錢

右為末糊丸如大麥粒樣錠子每日以定子藥插入漏孔內漸  
加或三四錠一七日住藥其肉自腐去其瘀肉每日用荆芥薄

荷黃檗葱艾之類涼藥沃洗後敷以收口藥用

乳香 沒藥 黃丹各二錢 輕粉一錢

血竭三分 白蠟五錢 赤石脂五錢

右為末每用少許敷上外用膏藥貼之一日一換服藥可用敗  
毒散之類收功後可服黃蠟解毒丸用黃蠟三兩化開入雄黃  
一錢白礬四兩為末不住手為丸空心酒下二三十丸此千金  
不傳之秘方也

經驗膽槐丹

十月已上取槐角子揀肥嫩結實者用新黃尾盆二箇如法固濟埋於背陰墻下約二三尺深預先尋取黑牛膽五六箇臘月八日取出槐子裝入膽內高懸陰乾至次年清明日取出入好磁瓶內盛放每日空心滾白湯吞服初一日一粒二日二粒三日三粒加至十五日十五粒以後日減一粒週而復始不問遠年近日痔瘡並皆服之其效如神亦能補虛

又方 用真正熊膽不拘多寡畧用麝少許研極細填入瘡口內雖甚痛之而即愈

又方 治心氣疼及胃脘諸痛

撫芎錢一

肥梔子

十枚去殼姜汁浸炒如用中大連殼用

香附製一錢

紅棗三箇去核

巴豆

三粒去殼

右將巴豆填入棗內文武火煨軟去棗皮丹入人參三錢為末同搗一處涼一夜丸如米大每服五七丸燒酒送下立止

蒼朮散 治下元虛損偏墜腎莖疼痛

好茅山蒼朮六斤

一斤老米泔水浸二日夜一斤酒浸三日夜切斤曬乾一斤斗子青鹽半斤炒黃色

去鹽不用一斤小茴香四兩炒黃色去茴香不用一斤大茴香四兩炒黃黑色去茴香不用一斤桑椹子二斤取汁製

過晒 乾 右共為末空心每服三錢酒下或丸服

治脚指縫爛瘡及因暑手抓兩脚爛瘡

用細茶口嚼爛敷之立愈

治手足皸裂

瀝青二兩

黃蠟一兩

用火熬攪勻瓦礫盛貯先以熱湯洗令皮軟拭乾將藥於慢火上畧炙擦傳

治頭風夜甚嘔吐方

川芎錢一

薄荷

白芷

防風

甘草

細辛

羌活

荊芥

膏本

辛夷仁各等分

右水盞半細茶一撮煎七分食後溫服

治赤白汗斑

灸夾白穴即愈或以針刺之出血亦愈此試驗者夾白穴先於

兩乳頭上塗黑令兩手直伸夾之染黑處即是穴也

青白散 治一切牙疼

青鹽二兩

白鹽

川椒煎汁各四兩

右以椒汁拌二

鹽炒乾為末擦之永無齒疾以嗽出水洗目亦無目疾

又方

春採槐牙或槐條如指大者不拘多少煎濃汁同淨鹽熬乾研為細末少許清晨擦牙漱口洗眼眼明齒固鬚髮亦黑其鹽以水淘去黑泥先將鹽水熬乾後入槐汁同熬

治骨哽

香椿樹子陰乾半碗搗碎熟酒衝調服之良久即連骨吐出

又方 以橄欖食之即下或校搗為末用流水調下

治雞骨哽

用活雞一隻打死趁熱取出腹中雞肫裏面黃皮洗淨以燈草  
裹雞肫黃皮火上燒成灰研末以小竹筒吹喉中骨哽即消化  
不可見肉

治蝎螫 白礬半夏等分為末好醋調貼痛止毒出

又方 膽礬末塗之即愈

兜肚方 崑山顧狀元刊施二法

白檀香一兩

零陵香五錢

馬蹄香

香白芷

馬兜苓

升麻

血竭各五錢

木鼈子八錢

羚羊角一兩

甘松

丁皮七錢

麝香九分

分作三箇兜肚內

已上共十二味用蘄艾絮綿裝白綾兜肚內初服者用三日後  
一解至第五日復服至一月後常服專治疔積遺精白濁婦人  
赤白帶下及婦人經脉不調久不受孕者惟有孕婦人不可服  
益母草

单一味為末不犯鐵器煉蜜丸如彈子大每服一丸久服亦令  
人有子其婦人胎前產後諸疾治無不効服法備載於婦人門  
濟陰返魂丹方中

敗毒散 治四時頭疼項強壯熱惡寒身體煩痛寒熱交壅咳嗽

鼻風聲重風痰頭痛嘔噦寒熱

人參

赤茯苓皮去

甘草炙

前胡

芎藭

羌活

獨活

桔梗

柴胡

枳殼炒

右等分為咀每服四錢水一盞姜三片薄荷少許煎八分不拘時溫服

活人書云治四時疫癘余平生以濟人常無虛日蓋四時不正之氣冬當寒而反熱夏當熱而反寒春宜溫而反涼秋宜涼而反溫故病者大小無異或一郡一邑然唯丘陵澤國高下有差大抵使人痰涎風壅熱煩頭疼身痛等證或飲食有常起居依舊甚至聲

啞市井號為浪子瘟以其咳聲不響續續相連儼如蛙鳴故又號

曰蝦蟆瘟或至赤眼口瘡赤顯喉閉風壅噴嚏涕唾稠粘里域皆

同者並治之數服未効者須服滾痰丸逐去敗痰然後再服以効

為度藥中去赤茯苓桔梗加青皮白木者名清氣散治法並同但

以荆芥穗為引子不用生姜薄荷敗毒散中須加乾葛為妙多服

未効而有寒熱往來不常者必用小柴胡湯不拘時服數劑並無

過失此三法治痰涎風壅熱煩滾痰丸之次煎藥中之精粹也三

陽脚氣上壅痰涎風毒熱煩通用敗毒散大便秘并口鼻出血痰

涕者加黃芩大黃同法煎服或用清氣散亦可簡當神効速驗不

在沉香三湯之下

返魂丹 治一切久病危急不進飲食氣欲絕者

葶藶

麥牙炒

青皮去穢

人參

苦桔梗

柴胡

白豆蔻

南木香

高良薑

半夏麩

右為細末每服一錢水一盞煎七分熱服大効忌油膩魚腥粘滑此藥最妙余救人極多但少得全生者其說為何蓋此病去死甚近纔得少減百念復生由是中輟者多矣所謂萬全者惟慶子及道流中救人而已後之患者當自裁之如或大便秘實者間服滾痰丸每日服三十九行津潤膈庶得涎行氣降以全前功若始因實證而噎者只依滾痰丸法度服之以効為度救

人極衆更不細述

驅癘湯 治一切新久癘疾此方元自至元十五年阿木都元帥

南征之時因患癘疾百法不効至於維揚召官醫診之余親識

石其姓者忽為有司驅至帳前但見虎符已下官員露刃守衛

元帥久患癘疾身自謂必死既而傳命曰元帥久患癘疾只今

便要安可石公憂畏之極信手撮成一劑服之即効大有賞賚

及出身根脚後數年其藥僕從余游宦南荒彼中官吏將校例

苦癘因獲此方隨用即効遂大行於世復會維揚石公再請訂

正石公曰尚欠陳皮一味余從而用之則鮮効矣後悟其相戲

但依前法四味為的至今四十年矣

常山

草果煨

知母去毛

貝母去心

右等分每服四錢虛弱老人小兒只用三錢酒一盞煎八分不可過軟軟則不効發日天明後熱服渣以酒浸至將發前再煎熱服奇効如神不能備述嘗有婦人每日午後發熱衆醫皆計循經用藥日久愈重余道此四味令服醫士莫肯聽從余曰此純熱瘧疾平日治之如探囊取物耳勉其服之即瘥但人惡其酒氣余家親戚老幼纔有瘧疾俱能服之元無惡味余因用酒先煮過常山晒乾入藥只令患人水煎服亦妙不可例謂常山為吐藥而不用萬萬無一人曾吐者蓋瘧者痰疾也常山專能治痰有微吐者乃痰藥相敵而然亦有自然吐者世俗命曰醉

瘧豈常山之使然乎

通神九

出余家秘方

治一切瘧疾神効每常治人四時不闕服者除生

冷魚腥油膩粘滑外於藥百無所忌余平生收方瘧藥最多但

犯砒礞惡性相返避忌者並絕而不用惟此二方濟人絕妙

樹上自死乾槐子

六箇為末

黑豆末

一兩

巴豆

七粒去殼細研入藥

右一處用新汲水為丸如梧桐子大砒礞為末患者發日天初明時面東念藥王藥上菩薩新汲水吞下一丸立效每日發者連服兩日小兒服者別丸大小不等者量與之

金黃散治尿血

槐花揀淨炒

川鬱金

濕紙裏煨熟各一兩

右為末每服二錢煎淡豉湯調下無時立效

槐仁法 治炎障氣服

好新槐仁二升好阿魏二

去尖兩

右用老酒一斗同煮酒盡焙乾於絹袋內盛如入炎障之地即每日空心爛嚼七枚酒下極效

治蛇虎病毒蟲所傷出前

白礬一味溶汁先着患處大小用紙撚作圈水濕過圍在瘡外令著實留中間損處畧搽雄黃末即用紙礬汁傾紙圈中瘡口上片時追出毒氣黃水其上尚有紅線紋縷亦即收盡如大段惡物所傷者隨即用繩緊扎定瘡後毋令入腹然後之槍悴無

雄黃亦可此法

通關散前治一切口眼喎斜

川烏頭生用 青頭礬各出

右為細末每服一字入葦管吹入鼻內出涕吐涎立效須令患人嚙水滿口閉住鼻息庶得藥不落患人之口亦不逆於吹藥入口也神效無比

愈風散前治一切大風惡疾除鼻梁塌者不治其餘久新見患服

之無不愈者

淡豉為末 真水銀輕粉 枳殼末

右各抄小錢上二錢五更初煎糯米飲調下至早飯下稍覺困



倦欲睡不睡意思乃藥力搜風故也逐下惡物後次服九子藥

鶴虱丸 治法如前不拘歲月以效為度

鶴虱 二兩微炒須自來者為良蓋此草與葦草相似地菘花別名也葦草對節生葉而地菘生葉即不對節也

防風 兩 地榆 麻黃 去節 雄黃 明者另研

天麻 各半兩 右為細末醋糊丸梧桐子大每服三十五丸温

酒下三服忌雞猪魚蒜粘滑油膩燒炙煎燻胡椒熱物房事財

氣能如苦行三年者平治八九不然則雖效亦成中輟余平素

濟人頗多惟出大野叟百無一有限病愛身者一一奏功其餘

稍加縱逸者求其全瘥患者宜自珍惜

槐溪方氣寶丸 治腰脇俱病如抱一甕肌膚堅硬按之如鼓兩

脚腫滿曲膝仰臥不能屈伸自頭至臆中瘦瘠露骨中腕寒溢

四肢無力飲食無味氣積食積或通身浮腫並皆治之孕婦勿

黑牽牛 大黃 兩 檳榔 青皮 去穰各一兩

川芎 當歸 橘紅 茴香 微炒

南木香 右為細末熬皂角膏和丸梧桐子大每服五七十

丸如前方不効酒實者加至一百丸生姜煨草湯下取瀉方効

不拘日數瀉三五行見水為妙未則再加數丸如不忍瀉者不

可治也一切氣血凝滯風毒熾盛或脚氣走注作腫疼痛大便

秘澁或脚氣入腹心胃滿悶寒熱往來狀類傷寒並宜服之

局方小七香丸 治大人小兒停滯麩食之毒或因瘡疥遍身浮

腫並用陳夏蘿蔔子揀淨炒熟與葉對停一處細嚼一貼小兒  
量與服畢呻白湯一兩口未効連日服之大便秘者兼服局方  
青木香丸取利為度

神効五食湯丸出野夫治水蟲鹽疾通身腫滿按之如泥兼積塊年

深癥癖服此藥並不食甘草

大戟去皮一兩 甘遂生秤一兩

芫花好酒浸一宿控出炒黃色一兩

巴豆去皮心膜油醋煎二十沸半兩出油

猪牙皂角二兩去皮 胡椒

右件除巴豆先研外并為細末入巴豆霜并同研勻用水粘丸  
如菘豆大每服五七丸至十九夜卧時水一盞入白米白麩黑  
豆生菜猪肉各少許煎至半盞温送藥取去病根止服未効者

加丸數腫大段喘急者須去惡水方効忌油膩魚腥粘滑婦

人有胎不可服水腫泄瀉不止少便不利者謂之洪水橫流不

可用之別用後藥

葶藶木香散出宣明論治濕熱內外鬱甚水腫脹滿小便赤澀大便滑泄

葶藶 赤茯苓生皮 猪苓去皮 白朮去芦

肉桂各一分 木香五分 澤瀉 川木通去節

甘草各半兩 滑石香膩細白者研細水飛三兩

右為細末每服三錢白湯調下小便不多大便仍瀉者難治常

用有効

朝貴秘授神妙紫金丸 治諸般寒濕冷痺筋骨疼痛

此金皮

卷向外內如紫鉄色者頭末半斤

光浮草烏

去皮尖三兩末

木鬻字

用肉三兩細切米醋浸透研如泥

右件用木鬻字高搜和前二味醋糊丸如梧桐子大臂痛臨卧服服痛夜深腹空服每服三四十九加至五十九煎木瓜酒冷送下服後忌食熱物此方余少年時在湖廣省得之得此方者連余纔三五人世間未審知否神效無比

素問控辜證茴香練膏丸

出宣明論

治小腸病結於腰上而不痛或上衝心肺邪所係無一切寒熱疝氣所作累用神效種種方書無出其右者

面香炒

川練子

去皮核麸炒

吳茱萸

湯泡去核

馬練花

去蒂梗醋炒

廣陳皮

去白各一兩

芫花

醋炒半斤

右為末醋糊丸如梧桐子大每服二十九末効加至三十九空心食前鹽酒鹽湯任下須一日前後不可食甘草冷物世俗

纔聞小腸氣便令服蠡芴散之類殊不知非止寒氣為病但是

風寒暑濕中七情逆意事飲食壓下腎經皆能為此病苦外腎

不腫痛只覺腰痛連腹名曰內疝正宜服之大抵此疾縱有神

藥不過起疾而已欲去病根者未之見也常有病者發則痛陣

內攻嚮聲百異上吐黃汁瀉血片數升其勢方退亦用前藥奏

功又有一證陰痛不已漸漸日久津液不行大便秘結數日不

通遍身塊大小不等四肢如厥疼痛不敢轉側六脉洪大實數

飲食不進余用十四卷內滾痰丸一百丸敷水送下津行氣順  
大便即通再進一服三日履地如外腎疼痛煩熱引飲小便不  
利者用五苓散加煨薑二十茎川木通同煎服下部畏冷者仍  
用炒鹽一包更換隔衣溫存外腎消息服餌之宜惟外腎腫大  
痛與不痛並皆除治今選肘後三方

治外腎腫大日長或疼或不疼方出炮附子  
肘後方

皂角刺一百個 糯米粉水調為大餅一箇  
徑如碗口厚寸許

石二味俟養社日各人付與一刺畢患人手持粉餅逐一於社  
人前取刺社人問曰蕪甚患人曰蕪甚如是遍求取一二間答  
以其刺逐一插在餅上收歸安頓閑空處候餅乾時其腫亦消

如一社無百人者須託人方便計會二三社人預况其還刺時  
問曰蕪甚一旬

又方取蔓菁菜根切碎搗爛敷腫處以効為度如無蔓菁菜根新  
杏仁亦可

麒麟竭膏出諸名方余選精料品味足成一  
經用四十年神効無比治證如後

當歸 木鱉子仁 知母 五倍子

細辛 白芷各半兩 槐條 柳條各二十七  
根長一寸許

右除槐柳條外並切碎同作一處

好血竭錢三 真輕粉 當門子各二錢  
研細 雄黃錢四

滴乳香 沒藥各二錢各  
研和一處 松香明者  
十兩

古今醫譜卷之九十三  
真香油三兩同煎八味入鍋於文武火上下三落不住手用槐  
條二莖攪令焦色即用綿濾去渣再將油入鍋先入松香瀝青  
未不住手攪如欲滾沸溢出即取下火攪約一時頃滴少許入  
水中以手丸之不軟不硬即取下火次將六味徐徐而下急攪  
令極勻凝則再上火勿令再沸遂傾入大盆水中半日後以搏  
之漸漸軟和揉翻復如金絲之狀再入水浸之有暇再揉扯春  
夏頻換水如急用亦浸一兩宿如浸多日愈妙每以大竹管隨  
意大小高一二寸填藥令滿而平兩面接油紙在上於炭火上  
急手揭下一面再上紙復烘次一回仍揭下厚則再用紙過為  
二箇如欲展火即印四五箇於大紙上奏成一斤貼用治一切

癰疽并發毒瘡各依常法烘開候冷貼之生者即散軟者即穿  
逐敗生肌首尾皆可貼一切疔腫結核並貼患處一切癩瘡先  
用姜汁白礬入湯用鷲翎洗淨以牛旁子葉或金剛藤葉貼瘡  
半日取盡惡水然後貼上膏克日安痊除小兒疔疔外一切乾  
濕白禿頭瘡剃去髮用香油攤薄餅一箇裹着頭上一飯頃  
即用太膏藥去餅滿頭貼之一二次換藥即效一切臂股黃濕  
痒痛等瘡並洗淨搥乾貼患處一切打撲傷損腫脹氣刺等病  
並貼患處頭疼貼兩太陽赤眼貼魚尾暴寒風冷嗽貼脊心牙  
疼刮藥塞牙縫小兒疳痢等病用濕手圓如菘豆大米飲送下  
三二十九一切風寒濕痺臂病貼臂且如腿痛處半日許未效

即以熱湯露脚指在外從痛處淋洗至下仍以萑布帛蘸湯連  
 布放於膏藥蒸之令熱又用磁瓦刮脚甲指令其透快不可大  
 甚則其痛漸移下骨節間然後如法貼之逐節可去上面一箇  
 俟其痛趕至脚腕又貼脚心仍剪去脚指甲自然痊可常有婦  
 人因濕氣腿腫至腰胯太痛連將油紙滿膠貼之用前法趕下  
 又貼脚心數日間脚心膏藥下發出黃水數日至老不發  
 貼醫痛亦如此法大抵膏藥大如患處方能敵病小兒不着肉  
 安可望效也貼痛處好肉上用帶熱貼貼瘡不必熱貼也余  
 壯年常隨身不闕雖道路遇病人即便與人治之奇効不能備  
 述余少年時常從士夫遊洛間每聞諸公嘆其不遇一人善治

皆痊者其說神異余察其人見為吾僕及歸扣之則唯唯然一  
 日自其師遇仙得傳此草雖六月開以手探之亦如冰雪忽  
 日同一方士來投余之別墅托宿數日忽自咄咄而嘆曰門前  
 幸有此仙草遂鄭重付祝於余余嘆而諾之曰此即射干也方  
 士曰某昔嘗藥淮西適值官司拿醫出征遂窺八八百里山塲  
 內遇一老姥年一二百歲自謂金口避兵來此元完顏氏醫姥  
 也傳以此草并壽星散專治惡瘡救人無數

地扁竹散 即射干也乃今原花田中之物葉如  
 是姜根如竹鞭其色切開如金之狀

射干為

右一味每用小錢抄末三字許温酒調服病在上即微吐在下

即微瀉余濟人其効如神仍用前膏藥收斂瘡口  
壽星散 專治惡瘡痛不可忍者搽之不痛搽之即知痛

大南星

右為末如背瘡太痛者遍搽於上即得安卧不知痛者搽之至  
於知痛即可治也

驅邪散 衡州歐大丞 治天行傷寒壞證及諸不正之氣不問陰陽二證

頭疼惡心喘急身體酸疼煩渴咽乾並皆治之

陳皮 紫蘇 升麻 乾葛

赤芍藥 芎藭 蒼朮 厚朴

半夏 香附子 藿香 大黃

黃芩 川芎 山梔子 甘草

枳殼 香白芷

右等分各依法脩事以咀姜葱煎不拘時服

瓜鹽煎 治癰吐泄瀉 其證始因飲冷或冒寒暑或失飢或大

怒或乘舟車傷動胃氣令人上吐不止因而下瀉吐瀉并作遂

成癰亂頭旋眼暈手足轉筋四肢逆冷用藥遲緩須臾不救

吳茱萸 木瓜 食鹽 各五錢

右炒焦用磁罐盛水三升煮令百沸却入前藥同煎至一二升

以下傾一盞隨病人意冷熱服之藥入即甦

又方 鹽一撮醋一盞同煎至八分溫服或鹽梅酸皆可煮服

二黃殺鬼丹 其證初到無人居冷房睡中覺壓壓打但其人  
吃吃作声便令人叫喚如不醒此乃鬼壓也不救即死急以

此藥

牛黃

雄黃各一錢

硃砂五分

右研為末和勻每搥一錢床下燒之次用一錢調酒確之

紅鉛接命神方

海上異人傳

用無病室女月經首行者為最次二次

三者為中次四次為下然亦可取用取法以黑鉛或銀打一具

形如黃衣冠子樣候月信動時即以此具令老媪置陰戶上以

絹幅兜住接聚收起頓磁器中晒乾收貯或用人參為末或用

當歸煎湯或配秋石調和酒溫空心服五分大補真元

古今醫統大全卷之九十三

終



